



SLUŽBENE NOVINE

TUZLANSKO-PODRINJSKOG KANTONA

Godina 5 - Broj 5

Subota 6. juni/lipanj 1998. g.
TUZLA

Izdanje na
bosanskom i hrvatskom
jeziku

709

Na osnovu poglavlja IV, odjeljak B, člana 33. stav 1. tačka e) Ustava Tuzlansko-podrinjskog kantona, donosim

UKAZ

O PROGLAŠENJU ZAKONA O KANTONALNIM POREZIMA

Proglašava se Zakon o Kantonalnim porezima koji je donijela Skupština Tuzlansko-podrinjskog kantona na sjednici od 30. 5. 1998. godine.

Broj: 1620/98
Tuzla, 6. 6. 1998.

Predsjednik
Tuzlansko-podrinjskog kantona

dr Sead Jamakosmanović, v.r.

ZAKON

O KANTONALNIM POREZIMA

I. OPĆE ODREDBE

Član 1.

Ovim Zakonom uređuju se porezi koje plaćaju fizička lica (u daljem tekstu: porezi) na području Tuzlansko-podrinjskog kantona (u daljem tekstu: Kanton).

Član 2.

Porezi propisani ovim Zakonom su prihodi Kantona i općina a raspodjela prihoda utvrdit će se posebnim zakonom.

II. VRSTE POREZA

Član 3.

Porezi propisani ovim Zakonom su:
1. Porez na dohodak fizičkih lica

2. Porez na imovinu
3. Porez na nasljeđe i poklon.

1. POREZ NA DOHODAK FIZIČKIH LICA

A. OPĆE ODREDBE

Član 4.

Porez na dohodak fizičkih lica plaća se prema odredbama ovog Zakona i propisa donesenih na osnovu ovog Zakona.

Član 5.

Obveznik poreza na dohodak je fizičko lice. Porezni obveznik jest fizičko lice koje ima prebivalište ili boravište na području Kantona, kao i svako drugo fizičko lice iz zemlje ili inostranstva koja u Kantonu nema ni prebivalište ni boravište, a ostvaruje dohodak oporezovan ovim Zakonom.

Član 6.

Osnovica poreza na dohodak poreznog obveznika jeste ukupni iznos dohotka koji porezni obveznik ostvari u Kantonu, zemlji i inostranstvu i to od:

1. dohotka od rada kod poslodavca,
2. dohotka od samostalne djelatnosti i
3. dohotka od imovine i imovinskog prava.

Član 7.

Osnovica poreza od rada kod poslodavca jesu neto primanja ostvarena u obračunskom periodu od mjesec dana preko peterostrukog iznosa osnovnog ličnog odbitka.

Osnovica poreza od dohotka od samostalne djelatnosti i dohotka od imovine i imovinskih prava jeste dohodak ostvaren za period od godinu dana umanjen za osnovni lični odbitak.

Osnovni lični odbitak iznosi 300,00 KM.

Porezne olakšice

Član 8.

Poreznim obveznicima iz člana 6. stav 1. tačka 1. priznaju se porezne olakšice i to:

1. 30% osnovnog ličnog odbitka za izdržavanje supružnika, druge izdržavane članove porodice i prvo dijete.

2. Porezna olakšica iz tačke 1. ovog člana uvećava se za drugo i svako dijete za 10% osnovnog ličnog odbitka (drugo dijete ukupno 40%, treće ukupno 50%, i tako dalje), a za izdržavanje invalidnog člana porodice 20 %.

3. Porezna olakšica iz tačke 1. ovog člana uvećava se 30% za svako dijete porodice poginulog borca za koje je određen staratelj, a koji je porezni obveznik po ovom Zakonu.

4. Porezni obveznik, po ovom Zakonu, oslobađa se porezne obaveze ukoliko usvoji jedno ili više djece ratnih siročadi.

5. Osobe čiji mjesečni dohodak u smislu ovog Zakona ili čija druga mjesečna primanja koja se u smislu ovog Zakona ne smatraju dohotkom prelaze osnovni lični odbitak iz stava 1. ovog člana ne smatraju se izdržavanima. Ako više obveznika, izdržava jedno lice, odbitak za to lice ravnomjerno se raspoređuje na sve koji ga izdržavaju, osim ako se ne sporazumiju drugačije.

6. Osnovni lični odbitak i porezne olakšice se zbrajaju. Djecom u smislu stava 1. tačke 1. i 2. ovog člana smatraju se djeca koju roditelji izdržavaju.

7. Drugim izdržavanim članovima uže porodice u smislu stava 1. tačke 1. ovog člana smatraju se roditelj obveznika i roditelji njegovog supružnika ako žive u zajedničkom domaćinstvu.

8. Porezni obveznik može koristiti osnovni lični odbitak i porezne olakšice u razdoblju za koje postoji porezna obaveza i u kojem se lica izdržavaju. Razdoblje se zaokružuje u korist poreznog obveznika na pune mjesece.

Poreznim obveznicima iz člana 6. stav 1. tačka 2. priznaju se porezne olakšice i to:

1. Za 10% od osnovice poreza na dohodak za svakog novouposlenog radnika kojim se povećava broj zaposlenih radnika u godini u kojoj je radnik zaposlen i to tako da ukupno umanjene osnovice može iznositi najviše do 50%. Ako je novouposleni radnik uposlen u drugom polugodištu olakšice za novouposlenog radnika priznat će se obvezniku u narednoj godini.

2. Ako je novouposleni radnik iz kategorije invalidnih lica sa procentom invalidnosti preko 50% kao i članovi uže porodice poginulih boraca umanjene poreske osnovice priznat će se u visini od 15%. Porezne olakšice priznate po ovom osnovu ne mogu iznositi više od 75%.

3. Za iznos izvršenih ulaganja u nabavku osnovnih sredstava i ulaganja u izgradnju i adaptaciju poslovnog prostora za iznos izvršenih ulaganja u toj godini a najviše do visine iznosa osnovice poreza na dohodak utvrđene za tu godinu. Ako se osnovno sredstvo za čiju je nabavku umanjena osnovica poreza, na dohodak otuđi u roku od tri godine, obveznik poreza zadužit će se porezom za koji je bio oslobođen.

Član 9.

Porez na dohodak utvrđuje se za kalendarsku godinu (porezni period).

Porezna osnovica obračunava se za kalendarsku godinu, a može se obračunavati i za kraće periode (obračunski period) u slučaju da porezna obaveza traje kraće od poreznog perioda.

Član 10.

Porez na dohodak se plaća po stopi od 20% od porezne osnovice.

Član 11.

Porez na dohodak ne plaća se na iznos kamata na štednju u KM i deviznu štednju, kamata na tekuće i devizne račune, kamata od kredita i zajmova, kamata od vrijednosnih papira.

Dohotkom se ne smatraju primanja koja se dobivaju iz socijalnih, kulturnih i drugih ustanova za koje se ne pružaju tržišne protuusluge i to:

1. Pomoć radi snabdijevanja ratnih vojnih invalida i članova uže porodice poginulih boraca i šehida kao i pomoći civilnim žrtvama rata na osnovu posebnih propisa.

2. Pomoć zbog uništenja i oštećenja imovine uslijed ratnih dejstava, elementarnih nepogoda i drugih vanrednih događaja.

3. Socijalna pomoć po posebnim propisima.

4. Doplatka za djecu i novčana primanja za opremu novorođenog djeteta po posebnim propisima.

5. Prianja invalida po osnovu propisa o zdravstvenom i penzijskom osiguranju i socijalnoj zaštiti osim plaća i penzija.

6. Državne nagrade.

Dohotkom se ne smatraju iznosi primljeni po osnovu osiguranja stvari, odgovornosti, života i imovine.

B. VRSTE DOHOTKA

a) DOHODAK OD RADA KOD POSLODAVCA

Član 12.

U dohodak od rada kod poslodavca spadaju:

1. Plaća koju isplaćuje poslodavac radniku za rad obavljen po uputama poslodavca.

2. Penzije i drugi dohoci iz prijašnjih odnosa po osnovu rada.

3. Prianja po osnovu naknada, pomoći i nagrada koje daje poslodavac ako prelaze iznose propisane posebnim propisom.

4. Sva druga primanja po osnovu rada kod poslodavca i u vezi s radom kod poslodavca.

Dohotkom od rada kod poslodavca smatraju se i:

1. Premije osiguranja, života i imovine koje poslodavci plaćaju za svoje radnike i druge osobe, dodatne penzije, te stipendije iznad iznosa utvrđenog saglasno stavu 1. tačka 3. ovog člana.

2. Plaća koju sebi isplaćuje poslodavac - privatni poduzetnik koja ulazi u rashod koji se može odbiti pri utvrđivanju poreza na dohodak od samostalne djelatnosti.

3. Dohotkom iz rada, kod poslodavca u smislu stava 1. ovog člana smatraju se i druga primanja koja poslodavac i druga lica isplaćuju radniku u vezi sa sadašnjim, prijašnjim i budućim radom, koja se umjesto u novcu nadoknađuju u stvarima ili u drugom obliku kao što su korištenje zgrada, plovni objekata i automobila, nadoknađivanje najamnina za stanovanje.

Član 13.

Porez na dohodak ne plaća se na:

1. Naknade za vrijeme vojne službe u Vojsci F BiH,

2. Naknade pripadnicima Civilne zaštite i drugim licima za djelatnost u okviru Civilne zaštite od elementarnih nepogoda,

3. Naknade plaća za vrijeme privremene nezaposlenosti i spriječenosti za rad koje isplaćuje Zavod za zapošljavanje, Fond zdravstvenog osiguranja i drugi fondovi.

4. Nagrade učesnicima i studentima za vrijeme njihovog praktičnog rada do iznosa koji će se propisati posebnim propisom.

5. Prianja studenata i učenika na redovnom školovanju za rad preko studentskih i učeničkih zadruga,

6. Naknade štete zbog posljedica nesreće na radu,

7. Naknade i nagrade koje osuđene osobe primaju za rad u kazneno - popravnim ustanovama i domovima za prevaspitanje,

8. Prihode po osnovu dnevnica za službena putovanja, otpremnine, jednokratne novčane pomoći porodici umrlog radnika do iznosa propisanog posebnim propisom.

Porez na dohodak ostvaren od obavljanja diplomatsko - konzularnih dužnosti ne plaćaju:

1. Šefovi stranih diplomatskih misija akreditiranih u BiH i diplomatski službenici stranih diplomatskih misija u BiH te članovi njihovih domaćinstava, ako ti članovi nisu državljani ili nemaju prebivalište u BiH.

2. Šefovi stranih konzulata u BiH i konzularni funkcioneri te članovi njihovih domaćinstava, ako ti članovi nisu državljani ili nemaju prebivalište u BiH.

3. Funkcioneri UN i njihovih specijalizovanih agencija, eksperti tehničke pomoći UN i njihovih specijalizovanih agencija.

4. Osobe zaposlene kod stranih diplomatskih misija, konzulata i međunarodnih organizacija u BiH, ako nisu državljani Bosne i Hercegovine ili nemaju prebivalište u BiH.

5. Počasni konzularni funkcioneri stranih konzulata u BiH što ih primaju od države koja ih je imenovala za obavljanje konzularnih funkcija.

b) DOHODAK OD SAMOSTALNE DJELATNOSTI

OPĆE ODREDBE

Član 14.

Dohodak od samostalne djelatnosti jeste dohodak od privredne djelatnosti, dohodak od slobodnih zanimanja, dohodak od poljoprivrede i šumarstva i dohodak od drugih samostalnih djelatnosti koje se trajno ili povremeno obavljaju u cilju ostvarivanja dohotka.

Član 15.

Pod privrednom djelatnošću, u smislu člana 14. ovog Zakona, podrazumijevaju se proizvođačke, uslužne, trgovačke, ugostiteljske, prijevoznike, kao i sve druge djelatnosti poduzetnika.

O privrednoj djelatnosti radi se i u slučaju ako se u roku od pet godina prodaje više od tri nekretnine ili više od tri imovinska prava iste vrste.

U slobodna zanimanja spadaju:

1. Samostalna djelatnost zdravstvenih radnika, veterinaru, advokata, sudskih tumača, revizora, tumača, arhitekata, novinara, poreznih savjetnika, prevodilaca, turističkih radnika i druge vlastite djelatnosti.

2. Samostalna djelatnost umjetnika, naučnika, književnika, inovatora i druge slične djelatnosti.

3. Samostalna predavačka i vaspitna djelatnost i druge slične djelatnosti.

4. Poljoprivredna i šumarska djelatnost koja obuhvata korištenje prirodnih bogatstava zemlje i upotrebu od tih djelatnosti dobijenih proizvoda.

Član 16.

Obveznik poreza jeste svako fizičko lice koje samostalno obavlja djelatnost iz člana 15. s namjerom da kroz to ostvari dohodak.

Član 17.

Ako više lica ostvaruje dohodak od samostalne djelatnosti zajedničkim obavljanjem te djelatnosti svako fizičko lice plaća porez na dio dohotka koji joj pripada od zajedničkog poslovanja.

Ako ugovorom o zajedničkom poslovanju nije ugovoren način podjele dohotka ostvareni dohodak dijeli se na jednake dijelove.

UTVRĐIVANJE DOHOTKA OD PRIVREDNE DJELATNOSTI, SLOBODNIH I DRUGIH SAMOSTALNIH DJELATNOSTI

Član 18.

Dohodak od samostalnih djelatnosti jeste razlika između prihoda i rashoda.

Prihodi su sva dobra (novac, stvari, materijalna prava, usluge, drugo) koja je porezni obveznik ostvario u okviru samostalne djelatnosti u poreznom periodu.

Rashodi su svi izdaci poreznog obveznika tokom poreznog perioda u cilju sticanja, osiguranja i očuvanja prihoda. Prihodi, osim prihoda u novcu, procjenjuju se prema tržišnoj vrijednosti.

U prihode ulaze i:

1. Prihodi ostvareni od prodaje stvari i prava koja služe za obavljanje samostalne djelatnosti i koja se kao investiciona dobra vode ili su se trebala voditi u popisu stalne imovine.

2. U rashode ulaze samo oni izdaci koji su neposredno vezani uz ostvarivanje dohotka.

U poslovne izdatke ulaze i knjigovodstvene vrijednosti pojedinačno ili ukupno prodanih investicionih dobara koja su se trebala voditi u popisu stalne imovine.

Član 19.

Porezni obveznici koji obavljaju samostalnu djelatnost iz člana 15. ovog Zakona dužni su utvrđivati dohodak na osnovu podataka iz poslovnih knjiga.

Poslovne knjige (iz stava 1. ovog člana) jesu knjige prihoda i rashoda i knjiga prometa.

Poslovne knjige se moraju voditi uredno i blagovremeno.

Za svaku prodaju, odnosno obavljenu uslugu mora se izdati račun.

Oblik i sadržina poslovnih knjiga i računa te način vođenja poslovnih knjiga propisat će se posebnim propisom.

Ako porezni obveznik ne ispunjava svoje obaveze u pogledu vođenja knjiga te iskazivanja svih prihoda i rashoda, Porezna uprava može procijeniti poreznu osnovicu i utvrditi oporezivi dohodak na osnovu obavljenog nadzora ili uporedbom s poreznim obveznikom koji obavlja istu ili sličnu djelatnost ili na osnovu drugih podataka o poslovanju poreznog obveznika.

Član 20.

U popisu stalne imovine unose se stvari i prava (investiciona dobra), ako njihove nabavne cijene, odnosno troškovi proizvodnje (nabavna vrijednost) premašuju 200,00 KM i ako je njihov vijek trajanja duži od godinu dana. Prava ulaze u popis stalne imovine samo ako je kod njihove nabavke plaćena naknada.

Popis stalne imovine služi za utvrđivanje otpisa (amortizacije).

U popis stalne imovine unose se pojedinačna nabavna vrijednost investicionih dobara, vijek trajanja (korišćenja), revalorizovana knjigovodstvena vrijednost i otpisi.

Nabavna vrijednost investicionih dobara koja se unose u popis stalne imovine ravnomjerno se otpisuje u periodu njihovog korišćenja. Ako se investiciono dobro, zbog uništenja više ne može koristiti ili ako se proda tada se njegova vrijednost u cjelosti otpisuje.

Utvrđivanje amortizacije vrši se po propisima koji važe za pravna lica.

Iznimno od odredaba stava 3. ovog člana prilikom formiranja popisa imovine i utvrđivanja stanja na dan 1. januar 1998. godine, umjesto nabavne vrijednosti može se unijeti procijenjena tržišna vrijednost stvari i prava i procijenjeni vijek trajanja.

Član 21.

Kao rashodi poreznom obvezniku priznaju se:

1. Izdaci za materijal, robu, proizvode, energiju i usluge, koji služe za sticanje dohotka u visini nabavne cijene ili troškova proizvodnje i ostali troškovi koji su nastali u vezi sa poslovanjem.

2. Plaćeni porez na promet proizvoda i usluga.

3. Plaća sa porezima i doprinosima poslodavca i zaposlenih priznaju se u visini stvarnih isplata.

4. Otpisi stalne imovine.

5. Izdaci za vlastita motorna vozila i druga sredstva koja služe prijevozu radnika i drugih zaposlenih lica u iznosu od 20% cijene goriva po stvarno pređenom kilometru.

6. Otplate zajmova i kredita te plaćanje kamata.

7. Izdaci za reprezentaciju do 0,5% od ukupno ostvarenog prihoda.

8. Izdaci po osnovu naknada, pomoći i nagrada koje daje poslodavac, ako ne prelaze iznose koji će se propisati posebnim propisom.

9. Izdaci za dnevnice i troškove službenog putovanja do propisanih iznosa.

Član 22.

Pri utvrđivanju dohotka ne priznaju se slijedeći rashodi:

1. Porez na dohodak, porez na nasljedstvo i poklone i drugi vlastiti porezi.

2. Novčane kazne i slični izdaci koji imaju kazneni karakter.

3. Zatezne kamate.

UTVRĐIVANJE DOHOTKA OD POLJOPRIVREDNE I ŠUMARSKO DIELATNOSTI

Član 23.

Obveznik poreza na dohodak od poljoprivredne proizvodnje i šumarstva jeste lice koje se kao vlasnik posjednik ili zakupac poljoprivrednog odnosno šumskog zemljišta bavi poljoprivredom i šumarstvom kao i lice koje ima udio u tako ostvarenom dohotku.

Ako više vlasnika, posjednika ili zakupaca zemljišta čine jedno domaćinstvo, a dohodak se oporezuje na osnovu katastarskog prihoda prema članu 24. ovog Zakona, porezni obveznik jeste jedan od punoljetnih članova domaćinstva kao predstavnik tog domaćinstva.

Ako dohodak od poljoprivrede i šumarstva koji se utvrđuje prema odredbama člana 25. ovog Zakona na način propisan odredbama člana 18. do 22. ovog Zakona, ostvaruje više lica, primjenjuju se odgovarajuće odredbe člana 17. ovog Zakona.

Član 24.

Dohodak od poljoprivrede i šumarstva jeste katastarski prihod koji se utvrđuje prema posebnim propisima, prema stanju na dan 31. decembra godine koja prethodi godini za koju se utvrđuje dohodak.

Član 25.

Porezni obveznik koji obavlja poljoprivrednu i šumarsku djelatnost utvrđuje dohodak u skladu s odredbama člana 18. do 22. ovog Zakona u slijedećim slučajevima:

1. Ako radi daljnje prodaje, od drugih otkupljuje poljoprivredne proizvode i šumarske proizvode, a prodajna vrijednost tih otkupljenih proizvoda iznosi više od ukupnog prometa njegovih poljoprivrednih proizvoda.

2. Ako dohodak od stočarstva, peradarstva, vinogradarstva, voćarstva, cvjećarstva, gljivarstva i drugih sličnih privrednih djelatnosti iznosi više od dvostrukog dohotka utvrđenog na osnovu katastarskog prihoda.

3. Ako obveznik zatraži da mu se dohodak umjesto prema katastarskom prihodu utvrđuje prema odredbama člana 18. do 22. ovog Zakona. Zahtjev za primjenu načina oporezivanja podnosi se prije početka kalendarske godine, a obavezuje poreznog obveznika najmanje dvije godine.

Član 26.

Ne oporezuje se dohodak od poljoprivrede i šumarstva od:

1. Zemljišta čije je iskorišćavanje za poljoprivrednu i šumarsku proizvodnju na osnovu zakona zabranio nadležni organ.

2. Zemljišta stranih država pod zgradama i uz zgrade diplomatskih i konzularnih predstavništava, pod uslovom uzajamnosti, te na zemljišta međunarodnih organizacija.

3. Zemljišta pod zgradama i zemljišta uz zgrade do 1.000 m² ako obveznik, pored zemljišta uz stambenu zgradu, nema drugog zemljišta.

4. Dvorišta vjerskih objekata, mezarja i groblja, i drugih objekata koji služe za obavljanje vjerskih obreda.

5. Zemljišta na kojima su podignuti nasipi, kanali (prokopi) i njihove ustave, odbrambeni vrbaci i zasadi, rovovi i drugi objekti od zemlje potrebni za odbranu od poplave, za navodnjavanje ili odvodnjavanje te objekti za vojne potrebe.

6. Katastarski prihod čiji iznos ne prelazi 50 KM.

Oslobađanje iz stava 1. ovog člana prestaje čim se zemljište prestane koristiti u svrhu za koju je dato pravo na oslobađanje.

Prestanak razloga odnosno uslova za oslobađanje po ovom članu fizičko lice dužno je prijaviti Poreznoj upravi u roku od 30 dana od dana nastale promjene.

Član 27.

Poljoprivrednim domaćinstvom, u smislu ovog Zakona, smatra se domaćinstvo koje ima barem jednog člana domaćinstva osiguranog po propisima o zdravstvenom osiguranju odnosno penzijsko-invalidskom osiguranju poljoprivrednika.

Član 28.

Ako je usljed elementarnih nepogoda, ratnih prilika, biljnih bolesti, štetočina ili drugih vanrednih događaja (u daljem tekstu: elementarne nepogode), koje fizičko lice nije moglo spriječiti, smanjen prinos na jednoj ili više zemljišnih parcela, smanjuje se katastarski prihod svake od tih parcela za onoliko postotaka za koliko je na njima smanjen prinos.

Porezni obveznik ima pravo na otpis poreza, ako iznos smanjenja katastarskog prihoda po osnovu stava 1. ovog člana naspram ukupnog katastarskog prihoda zemljišta iznosi više od 25%.

Član 29.

Porezni obveznik dužan je štetu nastalu smanjenjem doprinosa prijaviti nadležnoj jedinici lokalne samouprave u roku od osam dana nakon njezina nastanka, a ako je šteta nastala neposredno prije ili za vrijeme žetve, prijavu treba podnijeti u roku od tri dana nakon njezina nastanka.

Ako je šteta nastala na većem dijelu katastarske općine, postupak za procjenu štete pokreće jedinica lokalne samouprave u rokovima iz stava 1. ovog člana.

Član 30.

Visinu štete utvrđuje komisija za procjenu štete od elementarnih nepogoda, koju imenuje nadležno tijelo jedinice lokalne samouprave.

Član 31.

Ako je došlo do promjene u vlasništvu zemljišta na osnovu odluke državnog tijela, na zahtjev poreznog obveznika ili na prijedlog državnog tijela, otpisat će porez na dohodak od poljoprivrede i šumarstva koji otpada na to zemljište, i to za sve godine u kojima porezni obveznik zbog tih promjena, nije ostvario dohodak od zemljišta, ako nije dovršen postupak o provođenju tih promjena u katastru.

Porez se otpisuje u smislu stava 1. ovog člana i kada vlasnik daruje zemljište jedinici lokalne samouprave.

c) DOHODAK OD IMOVINE I IMOVINSKIH PRAVA**Član 37.****Član 32.**

Dohotkom od imovine i imovinskih prava smatra se dohodak koji porezni obveznik ostvari od izdavanja u zakup ili najam nekretnina i pokretnih stvari te od vremenski ograničenog ustupanja autorskih prava, prava industrijskog vlasništva i drugih imovinskih prava.

Dohotkom iz stava 1. ovog člana smatra se i dohodak koji porezni obveznik ostvari od otuđenja nekretnina i imovinskih prava. Otudjenjem se smatra prodaja, zamjena i drugi prijenos uz naknadu. Dohodak čini razlika između prihoda utvrđenog prema tržišnoj vrijednosti nekretnine ili imovinskog prava koje se otuđuje i nabavne vrijednosti uvećane za rast proizvođačkih cijena industrijskih proizvoda. Troškovi otuđenja mogu se odbiti kao izdaci.

Dohodak od otuđenja nekretnine iz stava 2. ovog člana ne oporezuje se ako je nepokretnina služila za stanovanje poreznom obvezniku ili izdržavanim članovima njegove uže porodice (član 8. ovog Zakona) kao i u slučaju ako je nekretnina odnosno imovinsko pravo otuđeno nakon tri godine od dana nabave.

Dohodak od otuđenja nekretnina i imovinskih prava iz stava 2. ovog člana ne oporezuje se ako je otuđenje izvršeno između supružnika i drugih članova uže porodice te između razvedenih supružnika ako je otuđenje u neposrednoj vezi sa razvodom braka.

Gubici od otuđenja nekretnina i imovinskih prava mogu se odbiti samo od dohotka od otuđenja nekretnina i imovinskih prava koji je ostvaren u istoj kalendarskoj godini.

Član 33.

Dohodak od imovine i imovinskih prava oporezuje se samo ako se ne radi o dohotku koji se oporezuje kao dohodak od samostalne djelatnosti te ako se na isti ne plaća porez na dohodak.

Član 34.

Porez na dohodak od imovine plaća se od iznosa najamnine, odnosno zakupnine umanjenog za 30%, a kod iznajmljivanja soba i postelja od iznosa najamnine umanjenog za 50% na ime troškova ostvarivanja dohotka.

Porezni obveznik koji dohodak od imovine ostvaruje stalnim izdavanjem u najam odnosno zakup nekretnina, može na vlastiti zahtjev utvrđivati dohodak na način na koji se utvrđuje dohodak od privredne djelatnosti u skladu s članovima 18. do 22. ovog Zakona.

Ako više lica zajedno ostvaruje dohodak od imovine imovinskih prava na odgovarajući način se primjenjuju odredbe člana 17. ovog Zakona.

Član 35.

Ako je iznos najamnine odnosno zakupnine iz člana 34. stav 1. ovog Zakona prijavljen u nerealnom iznosu, Porezna uprava može utvrditi iznos najamnine, odnosno zakupnine prema tržišnim cijenama za najam, odnosno zakup nekretnina i pokretnih stvari. Minimalni iznos zakupnine utvrđuje se propisom jedinice lokalne samouprave.

2. POREZ NA IMOVINU**Član 36.**

Obveznik poreza na imovinu je fizičko lice koje je vlasnik ili korisnik slijedeće imovine:

1. zgrade ili stana za odmor i rekreaciju (vikendice),
2. poslovne prostorije koje se izdaju pod zakup,
3. motornih vozila.

Ako je imovina u vlasništvu više lica svako od njih je porezni obveznik srazmjerno dijelu vlasništva.

Porez na imovinu plaća se godišnje u paušalnom iznosu i to:

1. za zgradu ili stan za odmor ili rekreaciju- 2 KM po 1 m²
2. za poslovni prostor koji se izdaje pod zakup:

- a) kancelarijski, ugostiteljski, trgovinski i drugih sličnih sadržaja - 3 KM po 1 m²
- b) skladišni, proizvodni - 1 KM po 1 m²

- 3) za motorna vozila i to:

- a) putnička motorna vozila:

- do 1600 ccm	30 KM
- od 1600 do 1800 ccm	50 KM
- od 1800 ccm do 2000 ccm	70 KM
- preko 2.000 ccm	150 KM

- b) teretna motorna vozila:

- | | |
|-----------------|--------|
| - do 3 t | 200 KM |
| - od 3 t do 8 t | 300 KM |
| - preko 8 t | 400 KM |

- 4) za plovni objekat preko 5 m dužine 120 KM.

Porez na imovinu za motorna vozila plaća se prije registracije motornog vozila kod nadležnog organa. Bez dokaza o plaćenom porezu ne može se izvršiti registracija.

Član 38.

Porez na imovinu ne plaća:

1. Invalidna lica na putnički automobil koji je nabavljen uz carinske i porezne olakšice.
2. Vjerske institucije i humanitarne organizacije.
3. Vlasnici zgrada ili stanova za odmor ili rekreaciju koje koriste u stambene svrhe, obveznik i članovi njegove porodice, izbjegla ili raseljena lica, i vlasnici objekata koji su oštećeni preko 70%.
4. Na imovinu koja vlasniku služi za obavljanje osnovne djelatnosti.

Član 39.

Ako u toku kalendarske godine dođe do promjene vlasništva nad imovinom novi vlasnik ne plaća porez na imovinu ako je taj porez naplaćen od ranijeg vlasnika.

Član 40.

Porez na imovinu razrezuje se unaprijed u godišnjem iznosu za imovinu zatečenu u posjedu poreznog obveznika na dan 1. januar godine za koju se razrez vrši, a za imovinu stečenu tokom godine u visini koja odgovara srazmjerno vremenu od dana sticanja od kraja godine.

Član 41.

Nadležni organi koji vode evidenciju o imovini iz člana 36. ovog Zakona na koju se plaća porez dužni su dostaviti Poreznoj upravi podatke o vlasnicima i njihovoj imovini.

Organ nadležan za izdavanje odobrenja za građenje objekata dužan je da o izdatim odobrenjima mjesečno obavještava ispostavu Kantonalne porezne uprave na čijem području se vrši građenje i na čijem je području prebivalište vlasnika objekta.

3. POREZ NA NASLJEDE I POKLON**Član 48.****Član 42.**

Obveznik poreza na nasljeđe i poklon je fizičko lice koje na teritoriji Kantona u nasljedstvo primi na poklon imovinu podložnu plaćanju poreza na nasljeđe i poklon.

Obveznik poreza na nasljeđe i poklon je i lice koje naslijedi odnosno primi na poklon pravo uživanja ili korišćenja nepokretnosti.

Obveznik poreza na nasljeđe i poklone je fizičko lice koje diobom primi više imovine nego što mu pripada po njegovom suvlasničkom pravu na taj dio.

Član 43.

Porezu na nasljeđe i poklon podliježe zemljište, zgrade i ostala nepokretna imovina, kao i pravo uživanja, odnosno korišćenja, na toj nepokretnoj imovini koju fizičko lice stiče na teritoriji Kantona na osnovu Zakona o nasljeđivanju, odnosno ugovora o poklonu među živim ili za slučaj smrti.

Porezu na nasljeđe i poklon podliježe pokretna imovina čija prometna vrijednost prelazi 2.000 KM.

Član 44.

Porezna obaveza poreza na nasljeđe i poklon nastaje u trenutku pravosnažnog rješenja o nasljeđivanju odnosno u trenutku prijema poklona.

Poklon se smatra primljenim u trenutku potpisivanja ugovora o poklonu, a ako ugovor nije zaključen u trenutku kada je poklon primljen.

Ako je nepokretna imovina koja je predmet nasljeđivanja odnosno poklona opterećena pravom uživanja, obaveza nasljednika odnosno poklonoprimca za plaćanje poreza na nasljeđe odnosno poklon nastaje po prestanku prava na uživanje.

Član 45.

Osnovica poreza na nasljeđe i poklon je prometna vrijednost nasljeđene ili na poklon primljene imovine u času nastanka porezne obaveze po odbitku dugova i troškova koji tereti imovinu na koju se plaća ovaj porez.

Osnovica iz predhodnog stava umanjuje se i za iznos sredstava koje nasljednik uloži u imovinu koja je predmet nasljeđa prije nastanka porezne obaveze.

Član 46.

Prometnu vrijednost nasljeđene ili na poklon primljene imovine u predhodnom članu utvrđuje Porezna uprava na način i po postupku utvrđenom propisima o porezu na promet nepokretnosti i prava.

Član 47.

Vrijednost svih poklona primljenih u toku jedne kalendarske godine od istog poklonodavca čini jednu poreznu osnovicu.

Ako se nasljeđe ili poklon sastoji iz imovine na koju se plaća porez na nasljeđe i poklon iz imovine na koju se ovaj porez ne plaća, od vrijednosti imovine koja podliježe porezu odbija se srazmjerni dio ukupnih dugova, tereta i troškova koji otpadaju na tu imovinu.

Ako se nasljednik odrekne prava nasljedstva u korist drugog lica bez naknade, odnosno protunaknade stopa poreza na nasljeđe i poklon utvrđuje se prema prometnoj vrijednosti nasljednog dijela imovine, zavisno o nasljednom redu lica koje je naslijedilo imovinu na osnovu odreknuća u odnosu na ostavioca.

Porez na nasljeđe plaća se po stopi od 5%.

Porez na poklon plaća se po stopi od 10% do trećeg nasljednog reda.

Ostali poklonoprincipi plaćaju porez na poklon po odredbama Zakona o prometu nepokretnosti.

Član 49.

Porez na nasljeđe i poklon ne plaća:

1. Nasljednik odnosno, poklonoprimalac prvog nasljednog reda, bračni drug ako je u drugom nasljednom redu, roditelji kada naslijeduju i primaju na poklon imovinu od djece;

2. Nasljednik drugog nasljednog reda, pod uslovom da je sa ostaviocem u trenutku njegove smrti živio u zajedničkom domaćinstvu.

3. Nasljednik koji nije u prvom nasljednom redu, a naslijeduje poljoprivredno zemljište, a kome je poljoprivreda osnovno zanimanje.

Član 50.

Porez na nasljeđe i poklon ne plaća se na:

1. Predmete domaćinstva.

2. Na imovinu na koju nasljednik, odnosno poklonoprimalac ne može steći pravo vlasništva, pravo uživanja, odnosno korišćenja.

3. Na imovinu koja se naslijeduje ili je na poklon primljena, a koju porezni obveznik ustupi bez naknade državi BiH, Federaciji, Kantonu, općini, vjerskim institucijama i humanitarnim organizacijama.

Porez uplaćen prije ustupanja ili poklona ne vraća se.

Član 51.

Razrez poreza na nasljeđe i poklon vrši Porezna uprava općine na čijem se području nalazi imovina. U slučaju da nasljeđena imovina, odnosno poklon, sadrži samo pokretnu imovinu, porez razrezuje nadležna Porezna uprava u prebivalištu obveznika poreza.

Ako se nasljeđena ili na poklon primljena imovina nalazi na području dvije ili više općina, razrez poreza vrši Porezna uprava prema mjestu gdje se imovina nalazi.

Član 52.

Primjerak pravosnažnog rješenja o nasljeđu i ugovora o poklonu nepokretnosti, nadležni sud je dužan dostaviti Poreznoj upravi, u roku od 15 dana od pravosnažnosti rješenja, odnosno ovjere ugovora.

III. POSTUPAK ZA UTVRĐIVANJE I NAPLATU POREZA**Utvrđivanje poreza****Član 53.**

Obveznici poreza na dohodak dužni su porez plaćati na način i u rokovima utvrđenim ovim Zakonom i propisima donijetim na osnovu zakona.

Porez na dohodak za koji se podnosi porezna prijava obračunava se godišnje.

Porez na dohodak od rada kod poslodavca obračunava se po stopi od 20% preko visine peterostrukog iznosa osnovnog ličnog odbitka iz člana 7. stava 1. ovog Zakona.

Za neblagovremeno plaćanje poreza propisanih ovim Zakonom plaća se zatezna kamata u visini od 0,2% dnevno.

Član 54.

Obveznicima poreza na dohodak porez se utvrđuje rješenjem Porezne uprave prema prebivalištu poreznog obveznika.

Rješenjem iz stava 1. ovog člana porez se utvrđuje prema poreznoj osnovici iz člana 7. ovog Zakona, s tim da se od utvrđenog poreza odbija iznos isplaćene akontacije po svim vrstama dohotka.

Ako je porezni obveznik ostvario dohodak van Kantona (teritorija Federacije, BiH i u inostranstvu) i ako je taj dohodak oporezovan porezom koji odgovara kantonalmom porezu na dohodak, tako plaćen porez uračunava se u kantonalni porez na dohodak.

Postupak priznavanja poreza prema stavu 3. ovog člana primjenjuje se ako međunarodnim ugovorom o izbjegavanju dvostrukog oporezivanja nije određeno drugačije.

Član 55.

Obveznicima poreza na imovinu i obveznicima na nasljeđe i poklon porez se utvrđuje rješenjem Porezne uprave.

Porezna prijava

Član 56.

Obveznici poreza na dohodak dužni su podnijeti poreznu prijavu Poreznoj upravi nakon isteka poreznog razdoblja (kalendarske godine).

Porezna prijava podnosi se Poreznoj upravi do kraja februara nakon isteka godine za koju se utvrđuje porez.

Oblik i sadržaj porezne prijave propisat će se posebnim propisom.

Član 57.

Obveznicima poreza na dohodak koji ne podnesu poreznu prijavu ili ako su podaci iz porezne prijave netačni ili nepotpuni porez na dohodak utvrđuje se u postupku prema odredbama ovog Zakona i propisima o općem upravnom postupku.

Porez na dohodak plaća se u roku osam dana od dana dostave rješenja poreznom obvezniku.

Ako je porezni obveznik platio više akontacije od poreza na dohodak utvrđenim rješenjem, više plaćeni porez vraća se poreznom obvezniku ili mu se uračunava u akontaciju za iduće razdoblje.

Član 58.

Ako je porezni obveznik tokom godine ostvario dohodak od plaće ili penzije, ne podnosi poreznu prijavu, a plaćene akontacije poreza smatraju se konačno utvrđenim porezom na dohodak.

Ako porezni obveznik iz stav 1. ovog člana ostvari dohodak iz više odnosa po osnovu rada ili druge vrste dohotka ili ako je Porezna uprava zatražila od poreznog obveznika da naknadno plati porez od rada kod poslodavca ili ako je porezni obveznik primio dohodak od rada kod poslodavca izravno iz inostranstva, dužan je podnijeti poreznu prijavu iz člana 56. ovog Zakona.

Član 59.

Obveznici poreza na imovinu dužni su podnijeti poreznu prijavu Poreznoj upravi do kraja februara godine u kojoj se vrši razrez. Oblik i sadržaj porezne prijave propisat će se posebnim propisom.

Utvrđivanje akontacije poreza po pojedinim vrstama dohotka

Član 60.

Kod dohotka od rada kod poslodavca akontaciju poreza obračunava, obustavlja i uplaćuje poslodavac, odnosno isplatilac

dohotka. Dužnik poreza na dohodak od rada kod poslodavca je posloprimac, odnosno penzioner.

Porez na dohodak od rada kod poslodavca obračunava se prema propisima koji važe na dan isplate.

Porezna osnovica poreza na dohodak od rada kod poslodavca jest iznos svih primljenih dohodaka od takvog rada tokom mjeseca.

Poslodavac, odnosno isplatilac penzije dužan je, za račun posloprimca, kod svake isplate plate, odnosno penzije obustaviti porez.

Član 61.

Porezni obveznici koji dohodak od rada kod poslodavca ostvare neposredno iz inostranstva, dužni su na taj dohodak sami obračunavati akontaciju poreza od takvog rada i uplatiti ga u roku od sedam dana od primitka dohotka.

Porezni obveznik zaposlen u diplomatskom, odnosno konzularnom predstavništvu strane države, međunarodnoj organizaciji ili predstavništvu ili organizaciji koja na teritoriji BiH ima diplomatski imunitet, kada je porezni obveznik po ovom Zakonu, dužan je sam obračunavati akontaciju poreza od rada kod poslodavca na način iz stava 1. ovog člana.

Član 62.

Strana organizacija koja ne uživa diplomatski imunitet u BiH i službenici te organizacije sa sjedištem odnosno prebivalištem u BiH dužni su pri isplati dohotka od rada kod poslodavca zaposlenim građanima ili stranim državljanima obračunati porez po odredbama ovog Zakona i uplatiti ga u roku od sedam dana od dana isplate.

Član 63.

Način plaćanja poreza na dohodak od rada kod poslodavca detaljnije se uređuje pravilnikom, koji će se propisati posebnim propisom.

Pravilnikom iz stava 1. ovog člana propisuje se oblik i sadržaj porezne kartice, koju su dužni voditi poslodavci i isplatilac penzije. Poslodavci odnosno isplatioci penzije dužni su je čuvati dok traje radni odnos posloprimca, odnosno dok se isplaćuje penzija.

Jedan popunjeni primjerak porezne kartice poslodavac dostavlja Poreznoj upravi do 31. januara tekuće godine za proteklu godinu.

Član 64.

Kod dohotka od samostalne djelatnosti mjesečna akontacija se plaća prema rješenju Porezne uprave.

Mjesečne akontacije određuju se na osnovu utvrđenog poreza po rješenju za predhodnu godinu.

Na početku obavljanja samostalne djelatnosti akontacije se utvrđuju na osnovu podataka koje porezni obveznik iskaže o predviđenom iznosu svog dohotka (člana 67.).

Ako porezni obveznik nije podnio poreznu prijavu za predhodnu godinu, ne vodi ili netačno vodi knjige ili nije dao podatke o predviđenom dohotku prema stavu 3. ovog člana, mjesečne akontacije utvrđuje Porezna uprava na osnovu obavljenog nadzora ili usporedbom s poreznim obveznikom koji obavlja istu ili sličnu djelatnost ili na osnovu drugih podataka o poslovanju poreznog obveznika.

Porezna uprava može na osnovu obavljenog nadzora ili drugih podataka o poslovanju poreznog obveznika s kojima raspolaže, izmijeniti rješenje iz stava 1. ovog člana i utvrditi nove iznose mjesečnih akontacija.

Član 65.

Izuzetno Porezna uprava može, na zahtjev poreznog obveznika, dozvoliti izmjenu visine utvrđene akontacije. Zahtjev se zasniva na podnesku, koji sadrži sve bitne sastojke porezne prijave, što se odnosi na protekli period tekuće godine.

Član 66.

Akontacije poreza na dohotak plaćaju se mjesečno i to do 15-og u mjesecu za predhodni mjesec.

Rješenje o akontaciji vrijedi do izmjene, odnosno do utvrđivanja nove akontacije.

Član 67.

Porezni obveznik koji počinje obavljati redovnu samostalnu djelatnost dužan je o tome izvijestiti Poreznu upravu u roku od osam dana od dana početka obavljanja djelatnosti.

Član 68.

Nadležna tijela državne uprave, odnosno druge nadležne organizacije dužne su Poreznoj upravi dostaviti sva odobrenja za obavljanje privredne djelatnosti i slobodnih zanimanja, te rješenja o privremenoj obustavi i prestanku djelatnosti, odnosno zanimanja istovremeno s dostavom odobrenja, odnosno rješenja poreznom obvezniku.

Član 69.

Ako se dohodak od poljoprivrede i šumarstva obračunava po katastarskom prihodu (član 24.) utvrđuje se akontacija poreza rješenjem Porezne uprave, koje se dostavlja poreznom obvezniku do 1. aprila godine za koju se utvrđuje porez.

Akontacija poreza prema stavu 1. ovog člana plaća se tromjesečno u jednakim dijelovima od ukupno utvrđenog poreza i to do isteka tromjesečja. Ako nije doneseno novo rješenje akontacije se plaćaju u visini iznosa koji su utvrđeni za predhodnu godinu.

Ako porezni obveznik uz katastarski dohodak ima i druge dohotke od samostalne djelatnosti ili imovine, akontacije poreza plaćaju se i za katastarski dohodak u mjesečnim ratama po postupku i na način iz člana 64. i 66. ovog Zakona.

Član 70.

Nadležna uprava za katastar dužna je Poreznoj upravi dostaviti podatke o katastarskom prihodu poreznih obveznika do 15. februara godine za koju se utvrđuje porez, ako su nastale promjene u posjedovnom stanju, kulturi i bonitetu zemljišta te popis novih posjednika s naznakom njihova prebivališta, jedinstvenog matičnog broja građana, katastarskog broja, katarskog sreza, katarske općine, površine zemljišta i katarskog prihoda.

Član 71.

Obveznicima poreza od poljoprivrede i šumarstva, kojima je poljoprivreda osnovni izvor prihoda, utvrđeni porez iz člana 69. ovog Zakona smatra se konačno utvrđenim porezom tako da ovi obveznici ne podnose prijavu za utvrđivanje poreza na dohodak.

Ako porezni obveznik ostvaruje i druge dohotke, katastarski se dohodak i plaćene akontacije moraju iskazati u godišnjoj prijavi.

Član 72.

Obveznici poreza na dohodak od imovine dužni su Poreznoj upravi prijaviti početak izdavanja u najam, odnosno zakup pokretnih stvari i nekretnina te prihoda od imovinskih prava u roku od osam dana od početka ostvarivanja prihoda.

Kod dohotka od imovine i imovinskih prava akontacije poreza plaćaju se po postupku i na način iz člana 64. i 66. ovog Zakona, a porez na iznajmljivanje soba i postelja iz člana 34. stava 1. ovog Zakona plaća se pri svakoj naplati zakupnine i smatra se konačnim porezom.

Dostavljanje izvještaja i druge obaveze

Član 73.

Pravna i fizička lica te druge organizacije dužne su Poreznoj upravi na njezin zahtjev dostaviti podatke o isporučenoj robi i uslugama što su im obavili obveznici poreza na dohodak te druge propisane podatke o isplaćenim plaćama, penzijama i drugim primanjima zaposlenih radnika za godinu za koju se utvrđuje porez na dohodak.

Banke i druge finansijske organizacije dužne su Poreznoj upravi na njezin zahtjev dostaviti podatke o prometu preko računa za sve građane. Na zahtjev Porezne uprave dužne su te podatke za pojedine građane dostaviti i tokom godine.

Organi i organizacije iz stava 1. i 2. ovog člana dužni su Poreznoj upravi omogućiti uvid u poslovne knjige i evidencije radi utvrđivanja podataka potrebnih za utvrđivanje poreza.

Član 74.

Prihodi, odnosno akontacije za isporučenu robu, ili obavljene usluge po bilo kojoj osnovi, koje ostvare građani od jedinica lokalne samouprave, državnih tijela, državnih fondova, poduzetnika i drugih pravnih lica, kao i lica koja ostvaruju dohodak od privrednih djelatnosti i slobodnih zanimanja, isplaćuje se građanima putem računa.

Posebним propisom će se propisati koji se prihodi iz stava 1. ovog člana mogu isplatiti u gotovom novcu mimo računa.

Član 75.

Radi pravilnog utvrđivanja prihoda, Porezna uprava dužna je tokom godine prikupljati podatke, snimati promet i obavljati druge radnje potrebne za utvrđivanje poreza.

Porezna uprava ima pravo pregledati poslovne knjige i poslovne prostorije radi prikupljanja podataka potrebnih za utvrđivanje poreza, a porezni obveznik dužan je omogućiti Poreznoj upravi pregled poslovnih knjiga i poslovnih prostorija.

Član 76.

Porezni obveznici dužni su poslovne knjige i otpremnice koje su osnova knjiženja te propisane evidencije držati u poslovnoj prostoriji ili kod ovlaštenog knjigovodstvenog servisa, odnosno u stanu, ako nemaju poslovnu prostoriju, kako bi bile dostupne Poreznoj upravi.

Član 77.

Porezna uprava dužna je poreznom obvezniku, na njegov zahtjev, dopustiti da razmotri isprave i druge podatke na osnovu kojih mu se utvrđuju obaveza plaćanja poreza, te podatke o utvrđenom i plaćenom porezu.

Član 78.

Podaci o dohotku i poreznoj osnovici u visini u kojoj ih je prijavio porezni obveznik u visini u kojoj su utvrđeni u postupku utvrđivanja poreza mogu se davati na zahtjev sudova, državnih organa i državnih tijela.

Drugi podaci koje službena lica Porezne uprave saznaju u postupku razreza i naplate poreza, jesu službena tajna.

Član 79.

U opravdanim slučajevima Porezna uprava može obvezniku poreza odobriti odgodu plaćanja dospjelog poreza ili plaćanje poreza u više rata.

Ako obveznik poreza ne plaća rate u određenom roku, Porezna uprava može staviti van snage rješenje o odobrenju otplate u ratama i poduzeti mjere da se zaostali dug naplati odjedanput.

Odobrena odgoda ne oslobađa obveznika od plaćanja kamata, ako ga Porezna uprava rješenjem o odobrenju otplate u ratama nije oslobodila od plaćanja kamata.

Porezno uvjerenje

Član 80.

Nadležna tijela državne uprave odnosno druge nadležne organizacije su dužne od poreznih obveznika tražiti porezno uvjerenje o izmirenim obavezama, odnosno uvjerenje da nije zadužen porezima, kao uslov za ostvarivanje njihovih prava.

Žalba

Član 81.

Protiv rješenja Porezne uprave donesenog u prvom stepenu može se izjaviti žalba Središnjem uredu Porezne uprave u roku od 15 dana od dana dostave rješenja.

Član 82.

Porezna uprava koja je donijela rješenje u prvom stepenu dužna je žalbu sa svim spisima predmeta u roku od osam dana dostaviti Središnjem uredu Porezne uprave, ako je sama ne riješi u svojoj nadležnosti po odredbama Zakona o upravnom postupku.

Član 83.

Žalba ne odgađa naplatu utvrđenog poreza ako ovim Zakonom nije određeno drugačije.

Ako Porezna uprava odgodi naplatu utvrđenog poreza dužna je o tome izvijestiti tijelo koje rješava o žalbi.

Obnova postupka

Član 84.

Porezna uprava, koja je donijela rješenje o utvrđivanju poreza kojim je okončan postupak utvrđivanja poreza može sama ili na zahtjev obveznika obnoviti postupak u roku od pet godina nakon njegove pravosnažnosti prema odredbama Zakona o upravnom postupku.

Prisilna naplata poreza

Član 85.

Od poreznog obveznika koji dospjeli porez nije platio u propisanom roku i od jamca za naplatu poreza koji se plaća po odbitku, koji nije obračunao i uplatio porez u propisanom roku (u daljem tekstu: porezni dužnik), porez se prisilno naplaćuje na osnovu rješenja o određivanju prisilne naplate.

U rješenju o određivanju prisilne naplate, pored ostalog, moraju biti iskazani visina duga, kamata i troškova, naznaka dužnikove imovine iz koje će se izvršiti prisilna naplata i način izvršenja prisilne naplate.

Porezna uprava koja prisilno naplaćuje porez može rješenjem iz stava 1. ovog člana:

1. Privremeno zabraniti poreznom dužniku raspolaganje novčanim sredstvima na računu i drugim računima, kod banke, odnosno druge finansijske organizacije kod koje porezni obveznik vodi svoje račune.

2. Naložiti banci ili drugoj finansijskoj organizaciji da sva zatečena sredstva i ona koja budu pristigla u korist računa poreznog dužnika doznači radi podmirenja poreznog duga na određeni račun.

Član 86.

Porez koji nije naplaćen iz novčanih sredstava poreznog dužnika na način iz člana 85. stav 3. ovog Zakona, prisilno se naplaćuje iz cjelokupne druge imovine, prihoda i potraživanja poreznog dužnika, osim iz imovine, prihoda i potraživanja koja su ovim Zakonom izuzeta od prisilne naplate.

Porezna uprava koja prisilno naplaćuje porez, može popisati svu pokretnu imovinu poreznog dužnika, osim ako postoje dokazi ili da pokretne stvari nisu njegovo vlasništvo ili ako to nesumnjivo proizilazi iz okolnosti.

Porez od poljoprivrede i šumarstva može se prisilno naplatiti iz prihoda i imovine svih članova domaćinstva.

Član 87.

Prisilna naplata prodajom imovine sastoji se iz popisa sa procjenom i prodajom imovine.

Prije poduzimanja prisilne naplate iz stava 1. ovog člana Porezna uprava dužna je poreznom dužniku ili punoljetnom članu njegovog domaćinstva dostaviti rješenje o određivanju prisilne naplate prodajom imovine. Rješenjem o prisilnoj naplati opominje se porezni dužnik da će dug biti naplaćen nakon isteka roka koji ne može biti kraći od 8 dana, od dana primitka.

Imovina se popisuje i procjenjuje nakon uručjenja rješenja o određivanju prisilne naplate, a imovina se ne može prodati prije nego što protekne osam dana od izvršenog popisa.

Izuzetno, ako se popisuje odnosno prodaje kvarljiva roba, te se radnje mogu obavljati i u rokovima kraćim od osam dana.

Član 88.

Porezni dužnik snosi sve troškove naplate, osim troškova popisa i procjene, ako je dug podmirio u roku od osam dana nakon popisa.

Član 89.

Prisilna naplata poreza prodajom imovine obustavlja se kada porezni dužnik isplati porez koji duguje s kamatama i troškovima ili kada na drugi način prestane obaveza plaćanja duga.

Član 90.

Rješenje o određivanju prisilne naplate poreza prodajom imovine iz pokretne imovine donosi Porezna uprava na čijem se području nalazi imovina.

Član 91.

Protiv rješenja o određivanju prisilne naplate prodajom imovine, kao i na izvršeni popis i procjenu, porezni dužnik može Poreznoj upravi izjaviti prigovor u roku od tri dana od dana dostave rješenja.

O prigovoru rješava Porezna uprava koja je donijela rješenje o određivanju prisilne naplate.

Prigovor iz stava 1. ovog člana odlaže dalji postupak prisilne naplate do dostave rješenja o prigovoru poreznom dužniku ili punoljetnom članu njegovog domaćinstva.

Protiv rješenja o prigovoru iz stava 2. ovog člana može se izjaviti žalba u roku od 15 dana od dana dostave toga rješenja Središnjem uredu Porezne uprave.

Ako porezni dužnik nije izjavio prigovor protiv rješenja o određivanju prisilne naplate, niti na izvršeni popis i procjenu u roku iz stava 1. ovog člana, ima pravo izjaviti žalbu Središnjem uredu Porezne uprave u roku od 15 dana od dana dostave rješenja o određivanju prisilne naplate, odnosno nakon popisa i procjene.

Žalba ne zadržava naplatu.

U prigovoru, odnosno žalbi ne mogu se iznositi okolnosti koje se odnose na razrez poreza.

Član 92.

Pokretne poreznog dužnika popisuje se ovim redom:

1. Gotov novac.
2. Obveznice ili drugi vrijednosni papiri ako su dospjeli na naplatu ili se mogu eskontirati.
3. Nakit i druge dragocjenosti.
4. Ostale pokretne i to prije svega one koje se mogu lako unovčiti.

Porezni dužnik može ponuditi red po kojem će se popisati pokretne.

Porezna uprava dužna je prihvatiti ponudu dužnika po redu popisa pokretne, ako se na taj način ne bi otežala pravovremena naplata poreza.

Član 93.

Pokretne popisuje i prodaje ovlašćeni radnik Porezne uprave (u daljem tekstu: izvršitelj) na osnovu rješenja o određivanju prisilne naplate.

Član 94.

Pokretne se popisuju u prisutnosti poreznog dužnika ili nekog od punoljetnih članova njegovog domaćinstva jednog punoljetnog građanina kao svjedoka, odnosno u prisutnosti dva punoljetna građanina kao svjedoka, ako popisu nije prisutan porezni dužnik ni punoljetni član njegovog domaćinstva.

Član 95.

Ako porezni dužnik ne pokaže prostorije i predmete u stanu, izvršitelj je ovlašćen otvoriti zaključane prostorije, namještaj i druge predmete, kako bi mogao obaviti popis i procjenu.

Ako se pretpostavlja da su pokretne stvari pogodne za popis skrivene kod poreznog dužnika, izvršitelj će ga pozvati da stvari preda radi popisa, a ako se dužnik ne odazove pozivu obaviti će lični pretres.

Radnje iz stava 1. i 2. ovog člana izvršitelj poduzima samo ako se prisilna naplata ne može izvršiti na drugi način i ako ima posebno rješenje Porezne uprave kojim se određuje izvršenje ovih radnji, za svaki pojedini slučaj ponaosob. Ove radnje mogu se obaviti samo u prisustvu dva punoljetna građanina kao svjedoka.

Član 96.

Prilikom popisa pokretne izvršitelj obavlja i njihovu procjenu, a ako je potrebno može pozvati i posebnog procjenitelja na zahtjev poreznog dužnika.

Član 97.

O popisu pokretne izvršitelj je dužan voditi zapisnik u kome mora navesti sve potrebne podatke i druge pojedinosti koje su se dogodile tokom popisa.

Zapisnik o popisu potpisuje izvršitelj, porezni dužnik, odnosno punoljetan član njegovog domaćinstva, prisutni svjedoci, procjenitelj i druga službena lica koja su bila prisutna pri popisu.

Popis gubi važnost ako se u roku od 90 dana od dana popisa poreznom dužniku ne dostavi oglas o javnoj prodaji.

Član 98.

Ako porezni dužnik izjavi da su popisane pokretne vlasništvo trećeg lica, a ne pruži za to dokaze ni on ni treće lice, izvršitelj može popisati i te predmete, ali će to treće lice uputiti da podnese tužbu sudu u roku od 15 dana od dana dostave obavijesti o popisu radi dokazivanja svoga prava vlasništva. Ako u tom roku ne podnese dokaz da je tužba podnijeta sudu, postupak prisilne naplate nastavit će se kao da nije bilo prigovora.

Podnošenjem tužbe sudu u roku određenom u stavu 1. ovog člana odlaže se prodaja popisanih stvari iz stava 1. ovog člana do okončanja sudskog postupka.

Član 99.

Popisane pokretne ostavljaju se na čuvanje poreznom dužniku. Izuzetno ako postoji osnovana sumnja da će porezni dužnik otuđiti popisane pokretne, porezna uprava može te pokretne oduzeti dužniku, da ih sama čuva ili ih može dati drugom na čuvanje.

Član 100.

Radi naplate dospjelog poreza Porezna uprava može rješenjem staviti zabranu najviše do 1/3 plaće iz radnog odnosa i na druga potraživanja poreznog dužnika, kojim se poreznom dužniku zabranjuje da raspolaže zabranjenim iznosom plaće, odnosno drugim potraživanjima, a njegovom se dužniku nalaze da zabranjeni dio plaće, odnosno drugo potraživanje isplati u korist poreznog duga. Rješenje donosi Porezna uprava kod koje se porezni dužnik zadužuje porezom.

Protiv rješenja iz stava 1. ovog člana porezni dužnik i njegov dužnik mogu u roku od tri dana od dana dostave rješenja izjaviti prigovor Poreznoj upravi. O prigovoru rješava Porezna uprava koja je donijela rješenje.

Prigovor zadržava izvršenje do dostave rješenja o prigovoru dužnika poreznom obvezniku.

Protiv rješenja o prigovoru porezni dužnik i njegov dužnik mogu izjaviti žalbu u roku od 15 dana od dana dostave tog rješenja Središnjem uredu Porezne uprave.

Ako porezni dužnik ili njegov dužnik nisu izjavili prigovor protiv rješenja o stavljanju zabrane na plaću iz radnog odnosa i na druga potraživanja imaju pravo izjaviti žalbu Središnjem uredu Porezne uprave u roku od 15 dana od dana dostave rješenja o stavljanju zabrane na plaću iz radnog odnosa i na druga potraživanja.

Žalba poreznog dužnika ne zadržava naplatu dok žalba dužnika poreznog dužnika zadržava naplatu.

U prigovoru, odnosno u žalbi ne mogu se iznositi okolnosti koje se odnose na razrez poreza.

Član 101.

Ako dužnik poreznog dužnika nije izjavio prigovor ili žalbu ili su njegovi prigovor ili žalba odbijeni, a ne postupi po rješenju iz člana 100. stav 1. ovog Zakona rješenje na koje je stavljena potvrda izvršnosti na zahtjev Porezne uprave izvršit će organizacija ili ustanova iz sredstava dužnika poreznog dužnika, a od građana i građanskih pravnih lica rješenje će izvršiti samo Porezna uprava.

Član 102.

Predmetom prisilne naplate ne mogu biti:

1. Odjeća, obuća, rublje i drugi predmeti lične upotrebe, posteljine, posuđe, namještaj, štednjak, hladnjak, mašina za pranje rublja i druge stvari koje služe za zadovoljenje potreba domaćinstva ukoliko su neophodni poreznom obvezniku i članovima njegovog domaćinstva.

2. Naučna i stručna literatura.

3. Radna i rasplodna stoka, poljoprivredne mašine i druga oruđa za rad koji su poreznom obvezniku zemljoradniku neophodni za održavanje poljoprivrednog gazdinstva u mjeri u kojoj je to potrebno za njegovo izdržavanje i izdržavanje članova njegovog domaćinstva, kao i sjeme za upotrebu na tom gazdinstvu, kao i hrana za stoku za četiri mjeseca.

4. Hrana i ogrijev za četiri mjeseca za poreznog dužnika i članove njegovog domaćinstva,

5. Potraživanja na osnovu osiguranja imovine i lica.

6. Dvije trećine plaće, penzije i invalidskih primanja te naknade za slučaj sprječivosti za rad, tako da poreznom dužniku mora ostati iznos u visini minimalne plaće.

7. Novčana primanja koja čine naknadu troškova (dnevnice, putni i drugi troškovi) doplaci za djecu, socijalne pomoći, stipendije, naknade i nagrade koje osuđena lica primaju za rad u kazneno-popravnim domovima, kao i primanja pripadnika Vojske F BiH.

8. Novčane pošiljke predane pošti dok se ne uruče poreznom dužniku.

9. Potraživanje na ime zakonskog izdržavanja.

10. Naknade koje maloljetna lica ili mlada punoljetna lica primaju za obavljeni rad u odgojnoj ustanovi ili domu za predodgoj.

11. Alat, mašine i drugi predmeti koji su poreznom obvezniku koji samostalno obavlja zanatsku djelatnost ličnim radom, sredstvima rada u svojini građana, neophodni za obavljanje te djelatnosti, kao i sirovine i pogonsko gorivo za tri mjeseca rada.

12. Ordeni, medalje, zlatni ljiljani i drugi znaci odlikovanja i priznanja, vjenčani prsten, lična pisma, rukopisi i drugi lični spisi poreznog dužnika, kao i porodične slike.

13. Pomagala koja su invalidu ili drugom licu sa tjelesnim nedostacima data na osnovu propisa ili koje je sam nabavio, a neophodna su mu za obavljanje njegovih životnih funkcija.

Predmeti prisilne naplate ne mogu biti ni druge stvari ni potraživanja ako bi se time dovelo u pitanje nužno izdržavanje poreznog dužnika, članova njegovog domaćinstva i drugih lica koje je porezni dužnik po zakonu dužan izdržavati.

Ako se prilikom popisa ne nađu stvari koje mogu biti predmet izvršenja popis će se ponovo sprovesti.

Član 103.

Ako porezni dužnik otuđi, uništi ili ošteti popisane stvari, Porezna uprava podnijet će krivičnu prijavu nadležnom tužilaštvu, a radi naplate duga odmah će obaviti novi popis, bez posebnog rješenja.

Član 104.

Popisane stvari prodaju se na javnoj prodaji nadmetanjem, a ako su popisani predmeti kvarljivi, mogu se unovčiti u direktnoj prodaji.

Član 105.

Javna prodaja određuje se oglasom. Oglas o javnoj prodaji mora sadržavati podatke o dužniku, mjestu, danu, satu i načinu prodaje te opis stvari.

Oglas o javnoj prodaji objavljuje se na uobičajen način u mjestu gdje se stvari prodaju, a mora se uz potvrdu na dostavnici dostaviti i poreznom dužniku, najmanje pet dana prije dana određenog za javnu prodaju, ako mu dan javne prodaje nije saopćen u zapisniku povodom popisa i procjene imovine.

Član 106.

Javna prodaja može početi ako su se javila najmanje dva ponuđača.

Na javnoj prodaji kao ponuđači ne mogu učestvovati porezni dužnik i članovi njegovog domaćinstva, a ni službena lica zaposlena u Poreznoj upravi.

Popisane pokretne javno se prodaju s početnom cijenom koja je utvrđena prilikom popisa.

Ako se na javnoj prodaji ne postigne početna cijena stvari će se prodati po najvišoj ponuđenoj cijeni. Ta cijena ne može biti manja od polovine vrijednosti utvrđene procjenom.

Ako se za pojedine stvari na javnoj prodaji ne postigne polovina procijenjene vrijednosti, može se u roku od najmanje pet dana, odrediti druga javna prodaja, na kojoj se stvari mogu prodati po nižoj cijeni ali ne ispod trećine procijenjene vrijednosti.

Ako se ni na ponovljenoj javnoj prodaji stvari ne mogu prodati Porezna uprava odredit će način prodaje.

Član 107.

Izvršitelj je dužan voditi zapisnik o javnoj prodaji u koji unosi sve potrebne podatke o načinu, vremenu prodaje, ponuđačima i druge pojedinosti što su od interesa za sva lica koja su učestvovala u prodaji.

Zapisnik potpisuje izvršitelj, kupac i porezni dužnik, ako je prisustvovao javnoj prodaji. Porezni dužnik može zahtjevati da se njegove primjedbe unesu u zapisnik.

Član 108.

Porez se prisilno naplaćuje iz pokretnina, dohotka i potraživanja poreznog dužnika i članova njegovog domaćinstva, a može se naplatiti i iz nekretnina poreznog dužnika.

U postupku prisilne naplate može se izvršiti uknjižba založnog prava na nekretninu poreznog dužnika radi osiguranja naplate.

Član 109.

Ako postoji opasnost da porezni dužnik osujeti naplatu još nedospjelog iznosa poreza, mogu se poduzeti mjere za osiguranje naplate.

Mjere osiguranja sastoje se u popisu pokretnina, zabrani raspolaganja potraživanjem poreznog dužnika, oduzimanjem pokretnina i predbilježbi založnog prava na nekretninu.

Mjere za osiguranje naplate mogu se poduzeti radi naplate neutvrđenog iznosa poreza čim je pokrenut postupak utvrđivanja ako postoji opasnost da bi porezni dužnik mogao osujetiti naplatu.

Član 110.

Porez iz pokretnina poreznog dužnika prisilno naplaćuje Porezna uprava koja je donijela rješenje o razrezu poreza u prvom stepenu.

Porez iz nekretnina poreznog dužnika na zahtjev Porezne uprave, prisilno naplaćuje nadležni sud u roku tri mjeseca nakon primljenog zahtjeva.

Član 111.

Od ukupno naplaćenih obaveza prisilnim putem najprije se podmiruju troškovi prisilne naplate, potom kamate, novčane kazne po ovom Zakonu te dužni porez i doprinos.

Višak sredstava što se ostvari prodajom vraća se poreznom dužniku na njegov zahtjev.

Ako se rješenje o prisilnoj naplati stavi van snage ili se mjere poduzete radi osiguranja naplate pokažu neopravdanim, porezni dužnik ne snosi troškove postupka.

Član 112.

Dospjeli iznos koji se ne može naplatiti ni prisilnim putem otpisuje se kao nenaplativ:

1. Ako je porezni dužnik umro ili se odselio u nepoznato mjesto a nije ostavio pokretnina i nekretnina iz kojih se može naplatiti dospjeli porez, ako se iza umrlog naknadno pronade imovina ili se sazna za novo prebivalište poreznog dužnika koji se odselio, ponovo će se zadužiti otpisanim porezom, pod uslovom da nije nastupila zastara prava na naplatu.

2. Ako se prisilnom naplatom koja se obavlja svake godine bez uspjeha, dug nije mogao naplatiti ni nakon isteka treće godine od dana dospelosti. Ako se nakon otpisa pojavi mogućnost naplate otpisanog poreza, porezni se dužnik ponovo zadužuje otpisanim porezom, pod uslovom da nije nastupila zastara prava na naplatu.

Ako bi izvršenje naplate dovelo u pitanje nužno izdržavanje poreznog dužnika i njegovog domaćinstva, porez se može iznimno otpisati u cijelosti ili djelomično.

O otpisu dospjelog poreza rješava Porezna uprava.

Jamstvo

Član 113.

Ako se porez ne može naplatiti iz imovine poreznog obveznika, naplatit će se iz imovine članova njegovog domaćinstva koji su tu imovinu stekli od poreznog obveznika po bilo kojoj osnovi.

Ako je porezni obveznik, da bi izbjegao obvezu plaćanja poreza, otuđio imovinu pravnim poslom u korist lica koje nisu članovi njegovog domaćinstva, Porezna uprava može takav posao pobijati pred sudom, pod uslovom da je kupac znao za takvu namjeru obveznika.

Lice koje nije kao vlasnik ili posjednik upisano u katastar zemljišta, a koristi zemljište, solidarno jamči za porez na to zemljište s licem koje je kao vlasnik ili posjednik upisano u katastar zemljišta.

Za naplatu poreza koji se plaća po dobitku jamči isplatalac.

Član 114.

Ako više lica ostvaruje prihod zajedničkim obavljanjem djelatnosti solidarno jamče, za obaveze po osnovu zajedničkog obavljanja djelatnosti.

Član 115.

Porezni dužnik koji otuđi mašine, uređaje ili drugi inventar što su mu služili za obavljanje djelatnosti ili otuđi radnju u cjelini, dužan je predhodno podmiriti svoje porezne obaveze.

Ako novi vlasnik preuzme imovinu iz stava 1. ovog člana a porez nije plaćen za naplatu dospjelog poreza jamči solidarno s poreznim dužnikom i novi vlasnik do visine vrijednosti preuzete imovine.

Član 116.

Građanin koji drži u zakupu zemljište na koje se plaća porez od poljoprivrede i šumarstva, solidarno odgovara sa zakupodavcem za dužni porez što otpada na to zemljište do visine zakupnine, odnosno do vrijednosti napolice.

Član 117.

Lica koja vlasnicima putujućih zabavnih radnji, odnosno priređivačima zabavnih priredbi uz naplatu ili besplatno ustupaju svoj stambeni ili poslovni prostor odgovaraju solidarno s poreznim obveznikom za sve porezne obaveze.

Zastara

Član 118.

Pravo na utvrđivanje porezne obaveze te pravo na pokretanje prekršajnog postupka zbog povreda odredbi ovog Zakona zastarijeva

za tri godine nakon isteka godine u kojoj je trebalo utvrditi porezne obaveze, odnosno u kojoj su povrijeđene odredbe ovog Zakona.

Pravo na naplatu poreza, kamata i troškova prisilnog izvršenja i novčanih kazni zbog povreda odredbi ovoga Zakona zastarijeva za tri godine nakon isteka godine u kojoj ih je trebalo naplatiti.

Pravo poreznog obveznika na povrat nepravilno ili više plaćenih iznosa na ime poreza, kamata troškova prisilnog izvršenja i novčanih kazni zastarijeva za tri godine nakon isteka godine u kojoj su oni naplaćeni.

Član 119.

Tok zastare prava na utvrđivanje poreznih obaveza prekida se svakom službenom radnjom Porezne uprave radi utvrđivanja porezne obaveze koja je stavljena do znanja poreznom obvezniku.

Tok zastare prava na naplatu poreza, kamata, troškova, prisilnog izvršenja i novčanih kazni prekida se svakom službenom radnjom što je poduzima Porezna uprava radi naplate koja je stavljena do znanja poreznom obvezniku.

Tok zastare prava na povrat nepravilno ili više plaćenog poreza, kamate troškova prisilnog izvršenja i novčanih kazni prekida se svakom radnjom što je obveznik, odnosno kažnjeno lice poduzima kod Porezne uprave radi povrata.

Nakon svakog prekida zastara počinje teći iznova i nastupa kad protekne onoliko vremena koliko je potrebno za određeno zastarijevanje. Apsolutna zastara nastupa nakon isteka deset godina od dana kada je prvi put počela teći.

Član 120.

Propisi o zastari potraživanja, ako nisu u suprotnosti s ovim Zakonom, primjenjuju se i na zastaru prava utvrđivanja i naplate poreznih obaveza.

IV. KAZNE NE ODREDBE

Član 121.

Novčanom kaznom od 250,00 do 2.500,00 KM kaznit će se za prekršaj:

1. Porezni obveznik koji ne podnese poreznu prijavu u propisanom roku (član 56. stav 1. i 2. i član 58. stav 2.).

2. Porezni obveznik koji iskaže netačne ili nepotpune podatke u poreznoj prijavi ili ne plati porez u propisanom roku (član 57.).

3. Poslodavac, odnosno isplatalac koji ne obračuna ili ne uplati akontaciju poreza od rada kod poslodavca, fizičkog lica, koji su dužni sami obračunati porez od nesamostalnog rada i strane organizacije, te isplatioci koji su dužni obračunati porez po odbitku (član 60, 61, i 62).

4. Porezni obveznik koji ne vodi ili netačno ili neažurno vodi poslovne knjige ili ne izdaje račune ili ne obračuna u potpunosti ili djelomično akontaciju poreza (član 19. stav 3. i 4. član 64. stav 1).

5. Porezni obveznik koji ne plaća mjesečnu akontaciju poreza u propisanom roku (član 66. stav 1.).

6. Porezni obveznik koji počinje obavljati redovnu samostalnu djelatnost a o tome ne izvjesti Poreznu upravu (član 67.).

7. Porezni obveznik koji Poreznoj upravi ne prijavi početak izdavanja u najam, odnosno zakup nekretnina i pokretnih stvari u propisanom roku i ne plaća akontaciju poreza u propisanom roku (član 72. stav 1.).

Član 122.

Novčanom kaznom od 500,00 do 15.000,00 KM za prekršaj će se kazniti organi i organizacije koje, na zahtjev Porezne uprave, ne pruže podatke o isporučenoj robi i obavljenim uslugama o isplaćenim plaćama, penzijama i drugim primanjima zaposlenih radnika ili podatke o prometu preko računa građana ili onemogućće uvid u poslovne knjige i evidencije radi utvrđivanja podataka potrebnih za utvrđivanje poreza (član 73.).

Novčanom kaznom iz stava 1. ovog člana za prekršaj će se kazniti pravna i fizička lica, koja isplate građanima ne izvrše preko računa (član 74).

Za prekršaj iz stava 1. i 2. ovog člana odgovorna lica u pravnom licu kaznit će se novčanom kaznom od 150,00 do 1.500,00 KM.

Član 123.

Novčanom kaznom od 250,00 KM do 2.500,00 KM za prekršaj će se kazniti porezni obveznik koji poslovne knjige i otpremnice te propisane evidencije ne drži u poslovnoj prostoriji ili kod ovlaštenog servisa ili u stanu ili ometa pregled poslovnih knjiga i poslovnih prostorija (član 75. stav 2. i član 76.)

Član 124.

Za prekršaj iz člana 123. ovog Zakona ovlašćeni radnik porezne uprave može učiniocu prekršaja na mjestu gdje je prekršaj učinjen izreći novčanu kaznu u iznosu od 150,00 KM.

Član 125.

Za prekršaje iz člana 121. tačke 4. i 5. i člana 123. ovog Zakona učinjene u povratu drugi put Porezna uprava, uz novčanu kaznu, izreći će i zaštitnu mjeru, zabrane obavljanja djelatnosti, u trajanju od tri mjeseca do jedne godine.

Za prekršaje iz stava 1. ovog člana učinjene u povratu treći put Porezna uprava uz novčanu kaznu, izreći će i zaštitnu mjeru zabrane obavljanja djelatnosti.

Izuzetno od odredbe stava 1. i 2. ovog člana ako bi zaštitna mjera, zabrane obavljanja djelatnosti, izazvala veće štetne posljedice i poremećaje u privredi ili veće otpuštanje zaposlenih radnika, može se za prekršaj u povratu izreći samo novčana kazna.

Član 126.

Postupak za izricanje kazne o prekršajima zbog povrede odredaba ovog Zakona, pokreće, vodi i rješenje o prekršaju donosi Porezna uprava.

Protiv rješenja iz stava 1. ovog člana može se izjaviti žalba u roku od osam dana od dana prijema rješenja Federalnom vijeću za prekršaje, putem Porezne uprave.

Član 127.

Prekršajni postupak u prvom stepenu vodi i rješenje o prekršaju donosi Komisija za prekršaje Porezne uprave.

Postupak u drugom stepenu vodi i rješenje o prekršaju donosi Federalno vijeće za prekršaje.

Član 128.

U pogledu vođenja prekršajnog postupka primjenjuje se odredbe Zakona o prekršajima kojim se povređuju kantonalni propisi.

V. PRIJELAZNE I ZAVRŠNE ODREDBE

Član 129.

Propise za sprovođenje ovog Zakona donijet će ministar finansija u roku od šest mjeseci od dana stupanja na snagu ovog Zakona.

Član 130.

Od dana primjene ovog Zakona prestaju se primjenjivati na području Tuzlansko-podrinjskog kantona Zakon o porezima građana - prečišćeni tekst ("Službeni list SR BiH", broj: 18/89) i Zakon o izmjenama i dopunama Zakona o porezima građana ("Službeni list RBiH", broj: 2/96), kao i njihovi prateći provedbeni propisi.

Član 131.

Ovaj Zakon stupa na snagu danom objavljivanja u "Službenim novinama Tuzlansko-podrinjskog kantona", a primjenjivat će se od 01. 01. 1999. godine.

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON

Broj: 01-011-45-21/98
Tuzla, 30. 5. 1998. godine

Predsjednik
Skupštine Tuzlansko-podrinjskog
kantona

Fuad Hadžiavić, v.r.

709

Na temelju poglavlja IV, odjeljak B, članka 33. stavak 1. točka e) Ustava Tuzlansko-podrinjske županije, donosim

UKAZ

O PROGLAŠENJU ZAKONA O ŽUPANIJSKIM POREZIMA

Proglašava se Zakon o Županijskim porezima koji je donio Sabor Tuzlansko-podrinjske županije na sjednici od 30. 5. 1998. godine.

Broj: 1620/98
Tuzla, 6. 6. 1998.

Predsjednik
Tuzlansko-podrinjske županije,

dr Sead Jamakosmanović, v.r.

ZAKON

O ŽUPANIJSKIM POREZIMA

I. OPĆE ODREDBE

Članak 1.

Ovim Zakonom uređuju se porezi koje plaćaju fizičke osobe (u daljem tekstu: porezi) na području Tuzlansko podrinjske županije (u daljem tekstu: Županija).

Članak 2.

Porezi propisani ovim Zakonom su prihodi Županije i općina a raspodjela prihoda utvrdit će se posebnim zakonom.

II. VRSTE POREZA

Članak 3.

Porezi propisani ovim Zakonom su:

1. Porez na dohodak fizičkih osoba.
2. Porez na imovinu.
3. Porez na nasljeđe i poklon.

1. POREZ NA DOHODAK FIZIČKIH OSOBA

A. OPĆE ODREDBE

Članak 4.

Porez na dohodak fizičkih osoba plaća se prema odredbama ovog Zakona i propisa donesenih na temelju ovog Zakona.

Članak 5.

Obveznik poreza na dohodak je fizička osoba.

Porezni obveznik jest fizička osoba koja ima pribježište ili boravište na području Županije, kao i svaka druga fizička osoba iz zemlje ili inozemstva koja u Županiji nema ni pribježište ni boravište, a ostvaruje dohodak oporezovan ovim Zakonom.

Članak 6.

Osnovica poreza na dohodak poreznog obveznika jeste ukupni iznos dohotka koji porezni obveznik ostvari u Županiji, zemlji i inozemstvu i to od:

1. Dohotka od rada kod poslodavca,
2. Dohotka od samostalne djelatnosti i
3. Dohotka od imovine i imovinskog prava.

Članak 7.

Osnovica poreza od rada kod poslodavca jesu neto primanja ostvarena u obračunskom periodu od mjesec dana preko peterostrukog iznosa osnovnog osobnog odbitka.

Osnovica poreza od dohotka od samostalne djelatnosti i dohotka od imovine i imovinskih prava jeste dohodak ostvaren za period od godinu dana umanjen za osnovni osobni odbitak.

Osnovni osobni odbitak iznosi 300,00 KM.

Porezne olakšice

Članak 8.

Poreznim obveznicima iz članka 6. stavak 1. točka 1. priznaju se porezne olakšice i to:

1. 30% osnovnog osobnog odbitka za izdržavanje supružnika, druge izdržavane članove obitelji i prvo dijete.

2. Porezna olakšica iz točke 1. ovog članka uvećava se za drugo i svako dijete za 10% osnovnog osobnog odbitka (drugo dijete ukupno 40%, treće ukupno 50%, i tako dalje), a za izdržavanje invalidnog člana obitelji 20%.

3. Porezna olakšica iz točke 1. ovog članka uvećava se 30% za svako dijete obitelji poginulog branitelja za koje je određen staratelj, a koji je porezni obveznik po ovom Zakonu.

4. Porezni obveznik, po ovom Zakonu, oslobađa se porezne obveze ukoliko usvoji jedno ili više djece ratnih siročadi.

5. Osobe čiji mjesečni dohodak u smislu ovog Zakona ili čija druga mjesečna primanja koja se u smislu ovog Zakona ne smatraju dohotkom prelaze osnovni osobni odbitak iz stavka 1. ovog članka ne smatraju se izdržavanima. Ako više obveznika, izdržava jednu osobu, odbitak za tu osobu ravnomjerno se raspoređuje na sve koji ga izdržavaju, osim ako se ne sporazumiju drukčije.

6. Osnovni osobni odbitak i porezne olakšice se zbrajaju. Djecom u smislu stavka 1. točke 1. i 2. ovog članka smatraju se djeca koju roditelji izdržavaju.

7. Drugim izdržavanim članovima uže obitelji u smislu stavka 1. točke 1. ovog članka smatraju se roditelj obveznika i roditelji njegovog supružnika ako žive u zajedničkom kućanstvu.

8. Porezni obveznik može koristiti osnovni osobni odbitak i porezne olakšice u razdoblju za koje postoji porezna obaveza i u kojem se osobe izdržavaju. Razdoblje se zaokružuje u korist poreznog obveznika na pune mjesece.

Poreznim obveznicima iz članka 6. stavak 1. točka 2. priznaju se porezne olakšice i to:

1. Za 10% od osnovice poreza na dohodak za svakog novouposlenog djelatnika kojim se povećava broj zaposlenih radnika u godini u kojoj je radnik zaposlen i to tako da ukupno umanjeње osnovice može iznositi najviše do 50%. Ako je novouposleni radnik zaposlen u drugom polugodištu olakšice za novouposlenog radnika priznat će se obvezniku u narednoj godini.

2. Ako je novouposleni radnik iz kategorije invalidnih osoba sa procentom invalidnosti preko 50% kao i članovi uže obitelji poginulih branitelja umanjeње porezne osnovice priznat će se u visini od 15%. Porezne olakšice priznate po ovom osnovu ne mogu iznositi više od 75%.

3. Za iznos izvršenih ulaganja u nabavku osnovnih sredstava i ulaganja u izgradnju i adaptaciju poslovnog prostora za iznos izvršenih

ulaganja u toj godini a najviše do visine iznosa osnovice poreza na dohodak utvrđene za tu godinu. Ako se osnovno sredstvo za čiju je nabavku umanjena osnovica poreza, na dohodak otuđi u roku od tri godine, obveznik poreza zadužit će se porezom za koji je bio oslobođen.

Članak 9.

Porez na dohodak utvrđuje se za kalendarsku godinu (porezni period).

Porezna osnovica obračunava se za kalendarsku godinu, a može se obračunavati i za kraće periode (obračunski period) u slučaju da porezna obveza traje kraće od poreznog perioda.

Članak 10.

Porez na dohodak se plaća po stopi od 20% od porezne osnovice.

Članak 11.

Porez na dohodak ne plaća se na iznos kamata na štednju u KM i deviznu štednju, kamata na tekuće i devizne račune, kamata od kredita i zajmova, kamata od vrijednosnih papira.

Dohotkom se ne smatraju primanja koja se dobivaju iz socijalnih, kulturnih i drugih ustanova za koje se ne pružaju tržišne protuusluge i to:

1. Pomoć radi snabdijevanja ratnih vojnih invalida i članova uže obitelji poginulih branitelja i šehida kao i pomoći civilnim žrtvama rata na temelju posebnih propisa.

2. Pomoć zbog uništenja i oštećenja imovine uslijed ratnih dejstava, elementarnih nepogoda i drugih izvanrednih događaja.

3. Socijalna pomoć po posebnim propisima.

4. Doplatka za djecu i novčana primanja za opremu novorođenog djeteta po posebnim propisima.

5. Prianja invalida na temelju propisa o zdravstvenom i mirovinskom osiguranju i socijalnoj zaštiti osim plaća i mirovina.

6. Državne nagrade.

Dohotkom se ne smatraju iznosi primljeni na temelju osiguranja stvari, odgovornosti, života i imovine.

*B. VRSTE DOHOTKA***a) DOHODAK OD RADA KOD POSLODAVCA**

Članak 12.

U dohodak od rada kod poslodavca spadaju:

1. Plaća koju isplaćuje poslodavac radniku za rad obavljen po naptcima poslodavca.

2. Mirovine i drugi dohoci iz prijašnjih odnosa na temelju rada.

3. Prianja na temelju naknada, pomoći i nagrada koje daje poslodavac ako prelaze iznose propisane posebnim propisom.

4. Sva druga primanja na temelju rada kod poslodavca i u svezi s radom kod poslodavca.

Dohotkom od rada kod poslodavca smatraju se i:

1. Premije osiguranja, života i imovine koje poslodavci plaćaju za svoje radnike i druge osobe, dodatne mirovine, te stipendije iznad iznosa utvrđenog suglasno stavku 1. točka 3. ovog članka.

2. Plaća koju sebi isplaćuje poslodavac - privatni poduzetnik koja ulazi u rashod koji se može odbiti pri utvrđivanju poreza na dohodak od samostalne djelatnosti.

3. Dohotkom iz rada, kod poslodavca u smislu stavka 1. ovog članka smatraju se i druga primanja koja poslodavac i druge osobe isplaćuju radniku u svezi sa sadašnjim, prijašnjim i budućim radom, koja se umjesto u novcu nadoknađuju u stvarima ili u drugom obliku kao što su korištenje zgrada, plovni objekata i automobila, nadoknađivanje najamnine za stanovanje.

Članak 13.

Porez na dohodak ne plaća se na:

1. Naknade za vrijeme vojne službe u Vojsci F BiH,

2. Naknade pripadnicima Civilne zaštite i drugim osobama za djelatnost u okviru Civilne zaštite od elementarnih nepogoda.

3. Naknade plaća za vrijeme privremene nezaposlenosti i spriječenosti za rad koje isplaćuje Zavod za zapošljavanje, Fond zdravstvenog osiguranja i drugi fondovi.

4. Nagrade sudjelovateljima i studentima za vrijeme njihovog praktičnog rada do iznosa koji će se propisati posebnim propisom.

5. Primanja studenata i učenika na redovitom školovanju za rad preko studentskih i učeničkih zadruga.

6. Naknade štete zbog posljedica nesreće na radu.

7. Naknade i nagrade koje osuđene osobe primaju za rad u kazneno - popravnim ustanovama i domovima za prevaspitanje.

8. Prihode na temelju dnevnica za službena putovanja, otpremnine, jednokratne novčane pomoći obitelji umrlog radnika do iznosa propisanog posebnim propisom.

Porez na dohodak ostvaren od obavljanja diplomatsko - konzularnih dužnosti ne plaćaju:

1. Šefovi stranih diplomatskih misija akreditiranih u BiH i diplomatski namještenici stranih diplomatskih misija u BiH te članovi njihovih kućanstava, ako ti članovi nisu državljani ili nemaju pribežište u BiH.

2. Šefovi stranih konzulata u BiH i konzularni dužnosnici te članovi njihovih kućanstava, ako ti članovi nisu državljani ili nemaju pribežište u BiH.

3. Dužnosnici UN i njihovih specijaliziranih agencija, eksperti tehničke pomoći UN i njihovih specijaliziranih agencija.

4. Osobe zaposlene kod stranih diplomatskih misija, konzulata i međunarodnih organizacija u BiH, ako nisu državljani Bosne i Hercegovine ili nemaju pribežište u BiH.

5. Počasni konzularni dužnosnici stranih konzulata u BiH što ih primaju od države koja ih je imenovala za obavljanje konzularnih dužnosti.

b) DOHODAK OD SAMOSTALNE DJELATNOSTI

OPĆE ODREDBE

Članak 14.

Dohodak od samostalne djelatnosti jeste dohodak od gospodarske djelatnosti, dohodak od slobodnih zanimanja, dohodak od poljoprivrede i šumarstva i dohodak od drugih samostalnih djelatnosti koje se trajno ili povremeno obavljaju u cilju ostvarivanja dohotka.

Članak 15.

Pod gospodarskom djelatnošću, u smislu članka 14. ovog Zakona, podrazumijevaju se proizvođačke, uslužne, trgovačke, ugostiteljske, prijevoznike, kao i sve druge djelatnosti poduzetnika.

O gospodarskoj djelatnosti radi se i u slučaju ako se u roku od pet godina prodaje više od tri nekretnine ili više od tri imovinska prava iste vrste.

U slobodna zanimanja spadaju:

1. Samostalna djelatnost zdravstvenih djelatnika, veterinar, odvjetnika, sudskih tumača, revizora, tumača, arhitekata, novinara, poreznih savjetnika, prevoditelja, turističkih radnika i druge vlastite djelatnosti.

2. Samostalna djelatnost umjetnika, znanstvenika, književnika, inovatora i druge slične djelatnosti.

3. Samostalna predavačka i vaspitna djelatnost i druge slične djelatnosti.

4. Poljoprivredna i šumarska djelatnost koja obuhvata korištenje prirodnih bogatstava zemlje i upotrebu od tih djelatnosti dobijenih proizvoda.

Članak 16.

Obveznik poreza jeste svaka fizička osoba koje samostalno obavlja djelatnost iz članka 15. s namjerom da kroz to ostvari dohodak.

Članak 17.

Ako više osoba ostvaruje dohodak od samostalne djelatnosti zajedničkim obavljanjem te djelatnosti svaka fizička osoba plaća porez na dio dohotka koji joj pripada od zajedničkog poslovanja.

Ako ugovorom o zajedničkom poslovanju nije ugovoren način podjele dohotka ostvareni dohodak dijeli se na jednake dijelove.

UTVRĐIVANJE DOHOTKA OD GOSPODARSKE DJELATNOSTI, SLOBODNIH I DRUGIH SAMOSTALNIH DJELATNOSTI

Članak 18.

Dohodak od samostalnih djelatnosti jeste razlika između prihoda i rashoda.

Prihodi su sva dobra (novac, stvari, materijalna prava, usluge, drugo) koja je porezni obveznik ostvario u okviru samostalne djelatnosti u poreznom periodu.

Rashodi su svi izdaci poreznog obveznika tijekom poreznog perioda u cilju stjecanja, osiguranja i očuvanja prihoda. Prihodi, osim prihoda u novcu, procjenjuju se prema tržišnoj vrijednosti.

U prihodu ulaze i:

1. Prihodi ostvareni od prodaje stvari i prava koja služe za obavljanje samostalne djelatnosti i koja se kao investiciona dobra vode ili su se trebala voditi u popisu stalne imovine.

2. U rashode ulaze samo oni izdaci koji su neposredno vezani uz ostvarivanje dohotka. U poslovne izdatke ulaze i knjigovodstvene vrijednosti pojedinačno ili ukupno prodanih investicionih dobara koja su se trebala voditi u popisu stalne imovine.

Članak 19.

Porezni obveznici koji obavljaju samostalnu djelatnost iz članka 15. ovog Zakona dužni su utvrđivati dohodak na temelju podataka iz poslovnih knjiga.

Poslovne knjige (iz stavka 1. ovog članka) jesu knjige prihoda i rashoda i knjiga prometa.

Poslovne knjige se moraju voditi uredno i pravodobno.

Za svaku prodaju, odnosno obavljanje uslugu mora se izdati račun.

Oblik i sadržina poslovnih knjiga i računa te način vođenja poslovnih knjiga propisat će se posebnim propisom.

Ako porezni obveznik ne ispunjava svoje obveze glede vođenja knjiga te iskazivanja svih prihoda i rashoda, Porezna uprava može procijeniti poreznu osnovicu i utvrditi oporezivi dohodak na temelju obavljenog nadzora ili uporedbom s poreznim obveznikom koji obavlja istu ili sličnu djelatnost ili na temelju drugih podataka o poslovanju poreznog obveznika.

Članak 20.

U popisu stalne imovine unose se stvari i prava (investiciona dobra), ako njihove nabavne cijene, odnosno troškovi proizvodnje (nabavna vrijednost) premašuju 200,00 KM i ako je njihov vijek trajanja duži od godinu dana. Prava ulaze u popis stalne imovine samo ako je kod njihove nabavke plaćena naknada.

Popis stalne imovine služi za utvrđivanje otpisa (amortizacije).

U popis stalne imovine unose se pojedinačna nabavna vrijednost investicionih dobara, vijek trajanja (korišćenja), revalorizirana knjigovodstvena vrijednost i otpisi.

Nabavna vrijednost investicionih dobara koja se unose u popis stalne imovine ravnomjerno se otpisuje u periodu njihovog korišćenja. Ako se investiciono dobro, zbog uništenja više ne može koristiti ili ako se proda tada se njegova vrijednost u cjelosti otpisuje.

Utvrđivanje amortizacije vrši se po propisima koji važe za pravne osobe.

Iznimno od odredaba stavka 3. ovog članka prilikom formiranja popisa imovine i utvrđivanja stanja na dan 1. siječanj 1998. godine, umjesto nabavne vrijednosti može se unijeti procijenjena tržišna vrijednost stvari i prava i procijenjeni vijek trajanja.

Članak 21.

Kao rashodi poreznom obvezniku priznaju se:

1. Izdaci za materijal, robu, proizvode, energiju i usluge, koji

služe za stjecanje dohotka u visini nabavne cijene ili troškova proizvodnje i ostali troškovi koji su nastali u svezi s poslovanjem.

2. Plaćeni porez na promet proizvoda i usluga.

3. Plaća s porezima i doprinosima poslodavca i zaposlenih priznaju se u visini stvarnih isplata.

4. Otpisi stalne imovine.

5. Izdaci za vlastita motorna vozila i druga sredstva koja služe prijevozu radnika i drugih zaposlenih osoba u iznosu od 20% cijene goriva po stvarno pređenom kilometru.

6. Otplate zajmova i kredita te plaćanje kamata.

7. Izdaci za reprezentaciju do 0,5% od ukupno ostvarenog prihoda.

8. Izdaci na temelju naknada, pomoći i nagrada koje daje poslodavac, ako ne prelaze iznose koji će se propisati posebnim propisom.

9. Izdaci za dnevnice i troškove službenog putovanja do propisanih iznosa.

Članak 22.

Pri utvrđivanju dohotka ne priznaju se slijedeći rashodi:

1. Porez na dohodak, porez na nasljedstvo i poklone i drugi vlastiti porezi.

2. Novčane kazne i osobni izdaci koji imaju kazneni karakter.

3. Zatezne kamate.

UTVRĐIVANJE DOHOTKA OD POLJOPRIVREDNE I ŠUMARSKJE DJELATNOSTI

Članak 23.

Obveznik poreza na dohodak od poljoprivredne proizvodnje i šumarstva jeste osoba koja se kao vlasnik posjednik ili zakupac poljoprivrednog odnosno šumskog zemljišta bavi poljoprivredom i šumarstvom kao i osoba koja ima udio u tako ostvarenom dohotku.

Ako više vlasnika, posjednika ili zakupaca zemljišta čine jedno kućanstvo, a dohodak se oporezuje na temelju katastarskog prihoda prema članku 24. ovog Zakona, porezni obveznik jeste jedan od punoljetnih članova kućanstva kao predstavnik tog kućanstva.

Ako dohodak od poljoprivrede i šumarstva koji se utvrđuje prema odredbama članka 25. ovog Zakona na način propisan odredbama članka 18. do 22. ovog Zakona, ostvaruje više osoba, primjenjuju se odgovarajuće odredbe članka 17. ovog Zakona.

Članak 24.

Dohodak od poljoprivrede i šumarstva jeste katastarski prihod koji se utvrđuje prema posebnim propisima, prema stanju na dan 31. prosinca godine koja prethodi godini za koju se utvrđuje dohodak.

Članak 25.

Porezni obveznik koji obavlja poljoprivrednu i šumarsku djelatnost utvrđuje dohodak sukladno odredbama članka 18. do 22. ovog Zakona u slijedećim slučajevima:

1. Ako radi daljnje prodaje, od drugih otkupljuje poljoprivredne proizvode i šumarske proizvode, a prodajna vrijednost tih otkupljenih proizvoda iznosi više od ukupnog prometa njegovih poljoprivrednih proizvoda.

2. Ako dohodak od stočarstva, peradarstva, vinogradarstva, voćarstva, cvjećarstva, gljivarstva i drugih osobnih gospodarskih djelatnosti iznosi više od dvostrukog dohotka utvrđenog na temelju katastarskog prihoda.

3. Ako obveznik zatraži da mu se dohodak umjesto prema katastarskom prihodu utvrđuje prema odredbama članka 18. do 22. ovog Zakona. Zahtjev za primjenu načina oporezivanja podnosi se prije početka kalendarske godine, a obvezuje poreznog obveznika najmanje dvije godine.

Članak 26.

Ne oporezuje se dohodak od poljoprivrede i šumarstva od:

1. Zemljišta čije je iskorišćavanje za poljoprivrednu i šumarsku proizvodnju na temelju zakona zabranio nadležni organ.

2. Zemljišta stranih država pod zgradama i uz zgrade diplomatskih i konzularnih predstavništava, pod uvjetom uzajamnosti, te na zemljišta međunarodnih organizacija.

3. Zemljišta pod zgradama i zemljišta uz zgrade do 1.000 m² ako obveznik, pored zemljišta uz stambenu zgradu, nema drugog zemljišta.

4. Dvorišta vjerskih objekata, mezarja i groblja, i drugih objekata koji služe za obavljanje vjerskih obreda.

5. Zemljišta na kojima su podignuti nasipi, kanali (prokopi) i njihove ustave, obrambeni vrbaci i zasadi, rovovi i drugi objekti od zemlje potrebni za obranu od poplave, za navodnjavanje ili odvodnjavanje te objekti za vojne potrebe.

6. Katastarski prihod čiji iznos ne prelazi 50 KM.

Oslobađanje iz stavka 1. ovog članka prestaje čim se zemljište prestane koristiti u svrhu za koju je dato pravo na oslobađanje.

Prestanak razloga odnosno uvjeta za oslobađanje po ovom članku fizička osoba dužna je prijaviti Poreznoj upravi u roku od 30 dana od dana nastale promjene.

Članak 27.

Poljoprivrednim kućanstvom, u smislu ovog Zakona, smatra se kućanstvo koje ima barem jednog člana kućanstva osiguranog po propisima o zdravstvenom osiguranju odnosno mirovinsko-invalidskom osiguranju poljoprivrednika.

Članak 28.

Ako je usljed elementarnih nepogoda, ratnih prilika, biljnih bolesti, štetočina ili drugih vanrednih događaja (u daljem tekstu: elementarne nepogode), koje fizička osoba nije mogla spriječiti, smanjen priнос na jednoj ili više zemljišnih parcela, smanjuje se katastarski prihod svake od tih parcela za onoliko postotaka za koliko je na njima smanjen priнос.

Porezni obveznik ima pravo na otpis poreza, ako iznos smanjenja katastarskog prihoda na temelju stavka 1. ovog članka naspram ukupnog katastarskog prihoda zemljišta iznosi više od 25%.

Članak 29.

Porezni obveznik dužan je štetu nastalu smanjenjem doprinosa prijaviti nadležnoj jedinici lokalne samouprave u roku od osam dana nakon njezina nastanka, a ako je šteta nastala neposredno prije ili za vrijeme žetve, prijavu treba podnijeti u roku od tri dana nakon njezina nastanka.

Ako je šteta nastala na većem dijelu katastarske općine, postupak za procjenu štete pokreće jedinica lokalne samouprave u rokovima iz stavka 1. ovog članka.

Članak 30.

Visinu štete utvrđuje komisija za procjenu štete od elementarnih nepogoda, koju imenuje nadležno tijelo jedinice lokalne samouprave.

Članak 31.

Ako je došlo do promjene u vlasništvu zemljišta na temelju odluke državnog tijela, na zahtjev poreznog obveznika ili na prijedlog državnog tijela, otpisat će porez na dohodak od poljoprivrede i šumarstva koji otpada na to zemljište, i to za sve godine u kojima porezni obveznik zbog tih promjena, nije ostvario dohodak od zemljišta, ako nije dovršen postupak o provođenju tih promjena u katastru.

Porez se otpisuje u smislu stavka 1. ovog članka i kada vlasnik daruje zemljište jedinici lokalne samouprave.

c) DOHODAK OD IMOVINE I IMOVINSKIH PRAVA

Članak 32.

Dohotkom od imovine i imovinskih prava smatra se dohodak koji porezni obveznik ostvari od izdavanja u zakup ili najam nekretnina i pokretnih stvari te od vremenski ograničenog ustupanja autorskih prava, prava industrijskog vlasništva i drugih imovinskih prava.

Dohotkom iz stavka 1. ovog članka smatra se i dohodak koji porezni obveznik ostvari od otuđenja nekretnina i imovinskih prava. Otudjenjem se smatra prodaja, zamjena i drugi prijenos uz naknadu. Dohodak čini razlika između prihoda utvrđenog prema tržišnoj vrijednosti nekretnine ili imovinskog prava koje se otuđuje i nabavne vrijednosti uvećane za rast proizvođačkih cijena industrijskih proizvoda. Troškovi otuđenja mogu se odbiti kao izdaci.

Dohodak od otuđenja nekretnine iz stavka 2. ovog članka ne oporezuje se ako je nekretnina služila za stanovanje poreznom obvezniku ili izdržanim članovima njegove uže obitelji (članak 8. ovog Zakona) kao i u slučaju ako je nekretnina odnosno imovinsko pravo otuđeno nakon tri godine od dana nabave.

Dohodak od otuđenja nekretnina i imovinskih prava iz stavka 2. ovog članka ne oporezuje se ako je otuđenje izvršeno između supružnika i drugih članova uže obitelji te između razvedenih supružnika ako je otuđenje u neposrednoj svezi s razvodom braka.

Gubici od otuđenja nekretnina i imovinskih prava mogu se odbiti samo od dohotka od otuđenja nekretnina i imovinskih prava koji je ostvaren u istoj kalendarskoj godini.

Članak 33.

Dohodak od imovine i imovinskih prava oporezuje se samo ako se ne radi o dohotku koji se oporezuje kao dohodak od samostalne djelatnosti te ako se na isti ne plaća porez na dohodak.

Članak 34.

Porez na dohodak od imovine plaća se od iznosa najamnine, odnosno zakupnine umanjenog za 30%, a kod iznajmljivanja soba i postelja od iznosa najamnine umanjenog za 50% na ime troškova ostvarivanja dohotka.

Porezni obveznik koji dohodak od imovine ostvaruje stalnim izdavanjem u najam odnosno zakup nekretnina, može na vlastiti zahtjev utvrđivati dohodak na način na koji se utvrđuje dohodak od gospodarske djelatnosti sukladno s člancima 18. do 22. ovog Zakona.

Ako više osoba zajedno ostvaruje dohodak od imovine imovinskih prava na odgovarajući način se primjenjuju odredbe članka 17. ovog Zakona.

Članak 35.

Ako je iznos najamnine odnosno zakupnine iz članka 34. stavak 1. ovog Zakona prijavljen u nerealnom iznosu, Porezna uprava može utvrditi iznos najamnine, odnosno zakupnine prema tržišnim cijenama za najam, odnosno zakup nekretnina i pokretnih stvari. Minimalni iznos zakupnine utvrđuje se propisom jedinice lokalne samouprave.

2. POREZ NA IMOVINU

Članak 36.

Obveznik poreza na imovinu je fizička osoba koja je vlasnik ili korisnik slijedeće imovine:

1. zgrade ili stana za odmor i rekreaciju (vikendice),
2. poslovne prostorije koje se izdaju pod zakup,
3. motornih vozila.

Ako je imovina u vlasništvu više osoba svaka od njih je porezni obveznik razmjerno dijelu vlasništva.

Članak 37.

Porez na imovinu plaća se godišnje u paušalnom iznosu i to:

1. za zgradu ili stan za odmor ili rekreaciju, - 2 KM po 1 m²
2. za poslovni prostor koji se izdaje pod zakup:
 - a) kancelarijski, ugostiteljski, trgovinski i drugih sličnih sadržaja, - 3 KM po 1 m²
 - b) skladišni, proizvodni; - 1 KM po 1 m²
3. za motorna vozila i to:
 - a) putnička motorna vozila:

- do 1600 ccm	30 KM
- od 1600 do 1800 ccm	50 KM
- od 1800 ccm do 2000 ccm	70 KM
- preko 2.000 ccm	150 KM

b) teretna motorna vozila:

- do 3 t	200 KM
- od 3 t do 8 t	300 KM
- preko 8 t	400 KM

4. za plovni objekat preko 5 m dužine 120 KM

Porez na imovinu za motorna vozila plaća se prije registracije motornog vozila kod nadležnog organa. Bez dokaza o plaćenom porezu ne može se izvršiti registracija.

Članak 38.

Porez na imovinu ne plaća:

1. Invalidne osobe na putnički automobil koji je nabavljen uz carinske i porezne olakšice.
2. Vjerske institucije i humanitarne organizacije.
3. Vlasnici zgrada ili stanova za odmor ili rekreaciju koje koriste u stambene svrhe, obveznik i članovi njegove obitelji, izbjegle ili raseljene osobe, i vlasnici objekata koji su oštećeni preko 70%.
4. Na imovinu koja vlasniku služi za obavljanje osnovne djelatnosti.

Članak 39.

Ako tijekom kalendarske godine dođe do promjene vlasništva nad imovinom novi vlasnik ne plaća porez na imovinu ako je taj porez naplaćen od ranijeg vlasnika.

Članak 40.

Porez na imovinu razrezuje se unaprijed u godišnjem iznosu za imovinu zatečenu u posjedu poreznog obveznika na dan 1. sječanj godine za koju se razrez vrši, a za imovinu stečenu tijekom godine u visini koja odgovara razmjerno vremenu od dana stjecanja do kraja godine.

Članak 41.

Nadležni organi koji vode evidenciju o imovini iz članka 36 ovog Zakona na koju se plaća porez dužni su dostaviti Poreznoj upravi podatke, o vlasnicima i njihovoj imovini.

Organ nadležan za izdavanje odobrenja za građenje objekata dužan je da o izdatim odobrenjima mjesečno obavještava ispostavu Županijske porezne uprave na čijem području se vrši građenje i na čijem je području pribježište vlasnika objekta.

3. POREZ NA NASLJEDE I POKLON

Članak 42.

Obveznik poreza na nasljeđe i poklon je fizička osoba koja na teritoriju Županije u nasljedstvo primi na poklon imovinu podložnu plaćanju poreza na nasljeđe i poklon.

Obveznik poreza na nasljeđe i poklon je i osoba koja naslijedi odnosno primi na poklon pravo uživanja ili korišćenja nepokretnosti.

Obveznik poreza na nasljeđe i poklone je fizička osoba koja diobom primi više imovine nego što mu pripada po njezinom suvlasničkom pravu na taj dio.

Članak 43.

Porezu na nasljeđe i poklon podliježe zemljište, zgrade i ostala nepokretna imovina, kao i pravo uživanja, odnosno

korišćenja, na toj nepokretnoj imovini koju fizička osoba stječe na teritoriju Županije na temelju Zakona o nasljeđivanju, odnosno ugovora o poklonu među živim ili za slučaj smrti.

Porezu na nasljeđe i poklon podliježe pokretna imovina čija prometna vrijednost prelazi 2.000 KM.

Članak 44.

Porezna obveza poreza na nasljeđe i poklon nastaje u trenutku pravomoćnog rješenja o nasljeđivanju odnosno u trenutku prijema poklona.

Poklon se smatra primljenim u trenutku potpisivanja ugovora o poklonu, a ako ugovor nije zaključen u trenutku kada je poklon primljen.

Ako je nepokretna imovina koja je predmet nasljeđivanja odnosno poklona opterećena pravom uživanja, obveza nasljednika odnosno poklon primatelja za plaćanje poreza na nasljeđe odnosno poklon nastaje po prestanku prava na uživanje.

Članak 45.

Osnovica poreza na nasljeđe i poklon je prometna vrijednost nasljeđene ili na poklon primljene imovine u času nastanka porezne obveze po odbitku dugova i troškova koji tereti imovinu na koju se plaća ovaj porez.

Osnovica iz predhodnog stavka umanjuje se i za iznos sredstava koje nasljednik uloži u imovinu koja je predmet nasljeđa prije nastanka porezne obveze.

Članak 46.

Prometnu vrijednost nasljeđene ili na poklon primljene imovine u predhodnom članku utvrđuje Porezna uprava na način i po postupku utvrđenom propisima o porezu na promet nepokretnosti i prava.

Članak 47.

Vrijednost svih poklona primljenih tijekom jedne kalendarske godine od istog poklonodavatelja čini jednu poreznu osnovicu.

Ako se nasljeđe ili poklon sastoji iz imovine na koju se plaća porez na nasljeđe i poklon iz imovine na koju se ovaj porez ne plaća, od vrijednosti imovine koja podliježe porezu odbija se razmjerni dio ukupnih dugova, tereta i troškova koji otpadaju na tu imovinu.

Ako se nasljednik odrekne prava nasljedstva u korist druge osobe bez naknade, odnosno protunaknade stopa poreza na nasljeđe i poklon utvrđuje se prema prometnoj vrijednosti nasljednog dijela imovine, ovisno o nasljednom redu osobe koja je naslijedila imovinu na temelju odreknuća u odnosu na ostavitelja.

Članak 48.

Porez na nasljeđe plaća se po stopi od 5%.

Porez na poklon plaća se po stopi od 10% do trećeg nasljednog reda.

Ostali poklonoprimatelji plaćaju porez na poklon po odredbama Zakona o prometu nepokretnosti.

Članak 49.

Porez na nasljeđe i poklon ne plaća:

1. Nasljednik odnosno, poklonoprimatelj prvog nasljednog reda, bračni drug ako je u drugom nasljednom redu, roditelji kada naslijeđuju i primaju na poklon imovinu od djece.

2. Nasljednik drugog nasljednog reda, pod uvjetom da je sa ostaviteljem u trenutku njegove smrti živio u zajedničkom kućanstvu.

3. Nasljednik koji nije u prvom nasljednom redu, a nasljeđuje poljoprivredno zemljište, a kome je poljoprivreda osnovno zanimanje.

Članak 50.

Porez na nasljeđe i poklon ne plaća se na:

1. Predmete kućanstva.

2. Na imovinu na koju nasljednik, odnosno poklonoprimatelj ne može steći pravo vlasništva, pravo uživanja, odnosno korišćenja.

3. Na imovinu koja se nasljeđuje ili je na poklon primljena, a koju porezni obveznik ustupi bez naknade državi BiH, Federaciji, Županiji, općini, vjerskim institucijama i humanitarnim organizacijama. Porez uplaćen prije ustupanja ili poklona ne vraća se.

Članak 51.

Razrez poreza na nasljeđe i poklon vrši Porezna uprava općine na čijem se području nalazi imovina. U slučaju da nasljeđena imovina, odnosno poklon, sadrži samo pokretnu imovinu, porez razrezuje nadležna Porezna uprava u pribježištu obveznika poreza.

Ako se nasljeđena ili na poklon primljena imovina nalazi na području dvije ili više općina, razrez poreza vrši Porezna uprava prema mjestu gdje se imovina nalazi.

Članak 52.

Primjerak pravomoćnog rješenja o nasljeđu i ugovora o poklonu nepokretne imovine, nadležni sud je dužan dostaviti Poreznoj upravi, u roku od 15 dana od pravomoćnosti rješenja, odnosno ovjere ugovora.

III. POSTUPAK ZA UTVRĐIVANJE I NAPLATU POREZA

Utvrđivanje poreza

Članak 53.

Obveznici poreza na dohodak dužni su porez plaćati na način i u rokovima utvrđenim ovim Zakonom i propisima donijetim na temelju zakona.

Porez na dohodak za koji se podnosi porezna prijava obračunava se godišnje.

Porez na dohodak od rada kod poslodavca obračunava se po stopi od 20% preko visine peterostrukog iznosa osnovnog osobnog odbitka iz članka 7. stavka 1. ovog Zakona.

Za nepravodobno plaćanje poreza propisanih ovim Zakonom plaća se zatezna kamata u visini od 0,2% dnevno.

Članak 54.

Obveznicima poreza na dohodak porez se utvrđuje rješenjem Porezne uprave prema pribježištu poreznog obveznika.

Rješenjem iz stavka 1. ovog članka porez se utvrđuje prema poreznoj osnovici iz članka 7. ovog Zakona, s tim da se od utvrđenog poreza odbija iznos isplaćene akontacije po svim vrstama dohotka.

Ako je porezni obveznik ostvario dohodak izvan Županije (teritorija Federacije, BiH i u inozemstvu) i ako je taj dohodak oporezovan porezom koji odgovara županijskom porezu na dohodak, tako plaćen porez uračunava se u županijski porez na dohodak.

Postupak priznavanja poreza prema stavku 3. ovog članka primjenjuje se ako međunarodnim ugovorom o izbjegavanju dvostrukog oporezivanja nije određeno drukčije.

Članak 55.

Obveznicima poreza na imovinu i obveznicima na nasljeđe i poklon porez se utvrđuje rješenjem Porezne uprave.

Porezna prijava

Članak 56.

Obveznici poreza na dohodak dužni su podnijeti poreznu prijavu Poreznoj upravi nakon isteka poreznog razdoblja (kalendarske godine).

Porezna prijava podnosi se Poreznoj upravi do kraja veljače nakon isteka godine za koju se utvrđuje porez.

Oblik i sadržaj porezne prijave propisat će se posebnim propisom.

Članak 57.

Obveznicima poreza na dohodak koji ne podnesu poreznu prijavu ili ako su podaci iz porezne prijave netočni ili nepotpuni porez na dohodak utvrđuje se u postupku prema odredbama ovog Zakona i propisima o općem upravnom postupku.

Porez na dohodak plaća se u roku osam dana od dana dostave rješenja poreznom obvezniku.

Ako je porezni obveznik platio više akontacije od poreza na dohodak utvrđenim rješenjem, više plaćeni porez vraća se poreznom obvezniku ili mu se uračunava u akontaciju za iduće razdoblje.

Članak 58.

Ako je porezni obveznik tijekom godine ostvario dohodak od plaće ili mirovine, ne podnosi poreznu prijavu, a plaćene akontacije poreza smatraju se konačno utvrđenim porezom na dohodak.

Ako porezni obveznik iz stavka 1. ovog članka ostvari dohodak iz više odnosa na temelju rada ili druge vrste dohotka ili ako je Porezna uprava zatražila od poreznog obveznika da naknadno plati porez od rada kod poslodavca ili ako je porezni obveznik primio dohodak od rada kod poslodavca izravno iz inozemstva, dužan je podnijeti poreznu prijavu iz članka 56. ovog Zakona.

Članak 59.

Obveznici poreza na imovinu dužni su podnijeti poreznu prijavu Poreznoj upravi do kraja veljače godine u kojoj se vrši razrez. Oblik i sadržaj porezne prijave propisat će se posebnim propisom.

Utvrđivanje akontacije poreza po pojedinim vrstama dohotka

Članak 60.

Kod dohotka od rada kod poslodavca akontaciju poreza obračunava, obustavlja i uplaćuje poslodavac, odnosno isplatitelj dohotka. Dužnik poreza na dohodak od rada kod poslodavca je posloprimatelj, odnosno umirovljenik.

Porez na dohodak od rada kod poslodavca obračunava se prema propisima koji važe na dan isplate.

Porezna osnovica poreza na dohodak od rada kod poslodavca jest iznos svih primljenih dohodaka od takvog rada tijekom mjeseca.

Poslodavac, odnosno isplatitelj mirovine dužan je, za račun posloprimatelja, kod svake isplate plate, odnosno mirovine obustaviti porez.

Članak 61.

Porezni obveznici koji dohodak od rada kod poslodavca ostvare neposredno iz inozemstva, dužni su na taj dohodak sami obračunavati akontaciju poreza od takvog rada i uplatiti ga u roku od sedam dana od primitka dohotka.

Porezni obveznik zaposlen u diplomatskom, odnosno konzularnom predstavništvu strane države, međunarodnoj organizaciji ili predstavništvu ili organizaciji koja na teritoriju BiH ima diplomatski imunitet, kada je porezni obveznik po ovom Zakonu, dužan je sam obračunavati akontaciju poreza od rada kod poslodavca na način iz stavka 1. ovog članka.

Članak 62.

Strana organizacija koja ne uživa diplomatski imunitet u BiH i namještenici te organizacije sa sjedištem odnosno pribježištem u BiH dužni su pri isplati dohotka od rada kod poslodavca zaposlenim građanima ili stranim državljanima obračunati porez po odredbama ovog Zakona i uplatiti ga u roku od sedam dana od dana isplate.

Članak 63.

Način plaćanja poreza na dohodak od rada kod poslodavca detaljnije se uređuje pravilnikom, koji će se propisati posebnim propisom.

Pravilnikom iz stavka 1. ovog članka propisuje se oblik i sadržaj porezne kartice, koju su dužni voditi poslodavci i isplatitelj mirovine. Poslodavci odnosno isplatitelji mirovine dužni su je čuvati dok traje radni odnos posloprimatelja, odnosno dok se isplaćuje mirovina.

Jedan popunjeni primjerak porezne kartice poslodavac dostavlja Poreznoj upravi do 31. siječnja tekuće godine za proteklu godinu.

Članak 64.

Kod dohotka od samostalne djelatnosti mjesečna akontacija se plaća prema rješenju Porezne uprave.

Mjesečne akontacije određuju se na temelju utvrđenog poreza po rješenju za predhodnu godinu.

Na početku obavljanja samostalne djelatnosti akontacije se utvrđuju na temelju podataka koje porezni obveznik iskaže o predviđenom iznosu svog dohotka (članka 67).

Ako porezni obveznik nije podnio poreznu prijavu za predhodnu godinu, ne vodi ili netočno vodi knjige ili nije dao podatke o predviđenom dohotku prema stavku 3. ovog članka, mjesečne akontacije utvrđuje Porezna uprava na temelju obavljenog nadzora ili usporedbom s poreznim obveznikom koji obavlja istu ili sličnu djelatnost ili na temelju drugih podataka o poslovanju poreznog obveznika.

Porezna uprava može na temelju obavljenog nadzora ili drugih podataka o poslovanju poreznog obveznika s kojima raspolaže, izmijeniti rješenje iz stavka 1. ovog članka i utvrditi nove iznose mjesečnih akontacija.

Članak 65.

Iznimno Porezna uprava može, na zahtjev poreznog obveznika, dozvoliti izmjenu visine utvrđene akontacije. Zahtjev se temelji na podnesku, koji sadrži sve bitne sastojke porezne prijave, što se odnosi na proteklo razdoblje tekuće godine.

Članak 66.

Akontacije poreza na dohodak plaćaju se mjesečno i to do 15-og u mjesecu za predhodni mjesec.

Rješenje o akontaciji vrijedi do izmjene, odnosno do utvrđivanja nove akontacije.

Članak 67.

Porezni obveznik koji počinje obavljati redovitu samostalnu djelatnost dužan je u tomu izvjestiti Poreznu upravu u roku od osam dana od dana početka obavljanja djelatnosti.

Članak 68.

Nadležna tijela državne uprave, odnosno druge nadležne organizacije dužne su Poreznoj upravi dostaviti sva odobrenja za obavljanje gospodarske djelatnosti i slobodnih zanimanja, te rješenja o privremenoj obustavi i prestanku djelatnosti, odnosno zanimanja istodobno s dostavom odobrenja, odnosno rješenja poreznom obvezniku.

Članak 69.

Ako se dohodak od poljoprivrede i šumarstva obračunava po katastarskom prihodu (članak 24.) utvrđuje se akontacija poreza rješenjem Porezne uprave, koje se dostavlja poreznom obvezniku do 1. travnja godine za koju se utvrđuje porez.

Akontacija poreza prema stavku 1. ovog članka plaća se tromjesečno u jednakim dijelovima od ukupno utvrđenog poreza i to do isteka tromjesečja. Ako nije donešeno novo rješenje akontacije se plaćaju u visini iznosa koji su utvrđeni za predhodnu godinu.

Ako porezni obveznik uz katastarski dohodak ima i druge dohotke od samostalne djelatnosti ili imovine, akontacije poreza plaćaju se i za katastarski dohodak u mjesečnim ratama po postupku i na način iz članka 64. i 66. ovog Zakona.

Članak 70.

Nadležna uprava za katastar dužna je Poreznoj upravi dostaviti podatke o katastarskom prihodu poreznih obveznika do 15. veljače godine za koju se utvrđuje porez, ako su nastale promjene u posjedovnom stanju, kulturi i bonitetu zemljišta te popis novih posjednika s naznakom njihova pribježišta, jedinstvenog matičnog broja građana, katastarskog broja, katastarskog sreza, katastarske općine, površine zemljišta i katastarskog prihoda.

Članak 71.

Obveznicima poreza od poljoprivrede i šumarstva, kojima je poljoprivreda osnovni izvor prihoda, utvrđeni porez iz članka 69. ovog Zakona smatra se konačno utvrđenim porezom tako da ovi obveznici ne podnose prijavu za utvrđivanje poreza na dohodak.

Ako porezni obveznik ostvaruje i druge dohotke, katastarski se dohodak i plaćene akontacije moraju iskazati u godišnjoj prijavi.

Članak 72.

Obveznici poreza na dohodak od imovine dužni su Poreznoj upravi prijaviti početak izdavanja u najam, odnosno zakup pokretnih stvari i nekretnina te prihoda od imovinskih prava u roku od osam dana od početka ostvarivanja prihoda.

Kod dohotka od imovine i imovinskih prava akontacije poreza plaćaju se po postupku i na način iz članka 64. i 66. ovog Zakona, a porez na iznajmljivanje soba i postelja iz članka 34. stavka 1. ovog Zakona plaća se pri svakoj naplati zakupnine i smatra se konačnim porezom.

Dostavljanje izvještaja i druge obveze

Članak 73.

Pravne i fizičke osobe te druge organizacije dužne su Poreznoj upravi na njezin zahtjev dostaviti podatke o isporučenoj robi i uslugama što su im obavili obveznici poreza na dohodak te druge propisane podatke o isplaćenim plaćama, mirovinama i drugim primanjima zaposlenih radnika za godinu za koju se utvrđuje porez na dohodak.

Banke i druge financijske organizacije dužne su Poreznoj upravi na njezin zahtjev dostaviti podatke o prometu preko računa za sve građane. Na zahtjev Porezne uprave dužne su te podatke za pojedine građane dostaviti i tijekom godine.

Organi i organizacije iz stavka 1. i 2. ovog članka dužni su Poreznoj upravi omogućiti uvid u poslovne knjige i evidencije radi utvrđivanja podataka potrebnih za utvrđivanje poreza.

Članak 74.

Prihodi, odnosno akontacije za isporučenu robu, ili obavljene usluge po bilo kojoj osnovi, koje ostvare građani od jedinica lokalne samouprave, državnih tijela, državnih fondova, poduzetnika i drugih pravnih osoba, kao i osobe koje ostvaruju dohodak od gospodarstvenih djelatnosti i slobodnih zanimanja, isplaćuje se građanima putem računa.

Posebnim propisom će se propisati koji se prihodi iz stavka 1. ovog članka mogu isplatiti u gotovom novcu mimo računa.

Članak 75.

Radi pravilnog utvrđivanja prihoda, Porezna uprava dužna je tijekom godine prikupljati podatke, snimati promet i obavljati druge radnje potrebne za utvrđivanje poreza.

Porezna uprava ima pravo pregledati poslovne knjige i poslovne prostorije radi prikupljanja podataka potrebnih za utvrđivanje poreza, a porezni obveznik dužan je omogućiti Poreznoj upravi pregled poslovnih knjiga i poslovnih prostorija.

Članak 76.

Porezni obveznici dužni su poslovne knjige i otpremnice koje su osnova knjiženja te propisane evidencije držati u poslovnoj prostoriji ili kod ovlaštenog knjigovodstvenog servisa, odnosno u stanu, ako nemaju poslovnu prostoriju, kako bi bile dostupne Poreznoj upravi.

Članak 77.

Porezna uprava dužna je poreznom obvezniku, na njegov zahtjev, dopustiti da razmotri isprave i druge podatke na temelju kojih mu se utvrđuje obveza plaćanja poreza, te podatke o utvrđenom i plaćenom porezu.

Članak 78.

Podaci o dohotku i poreznoj osnovici u visini u kojoj ih je prijavio porezni obveznik u visini u kojoj su utvrđeni u postupku utvrđivanja poreza mogu se davati na zahtjev sudova, državnih organa i državnih tijela.

Drugi podaci koje službene osobe Porezne uprave saznaju u postupku razreza i naplate poreza, jesu službena tajna.

Članak 79.

U opravdanim slučajevima Porezna uprava može obvezniku poreza odobriti odgodu plaćanja dospjelog poreza ili plaćanje poreza u više rata.

Ako obveznik poreza ne plaća rate u određenom roku, Porezna uprava može staviti izvan snage rješenje o odobrenju otplate u ratama i poduzeti mjere da se zaostali dug naplati odjedanput.

Odobrena odgoda ne oslobađa obveznika od plaćanja kamata, ako ga Porezna uprava rješenjem o odobrenju otplate u ratama nije oslobodila od plaćanja kamata.

Porezno uvjerenje

Članak 80.

Nadležna tijela državne uprave odnosno druge nadležne organizacije su dužne od poreznih obveznika tražiti porezno uvjerenje o izmirenim obvezama, odnosno uvjerenje da nije zadužen porezima, kao uvjet za ostvarivanje njihovih prava.

Žalba

Članak 81.

Protiv rješenja Porezne uprave donesenog u prvom stupnju može se izjaviti žalba Središnjem uredu Porezne uprave u roku od 15 dana od dana dostave rješenja.

Članak 82.

Porezna uprava koja je donijela rješenje u prvom stupnju dužna je žalbu sa svim spisima predmeta u roku od osam dana dostaviti Središnjem uredu Porezne uprave, ako je sama ne riješi u svojoj nadležnosti po odredbama Zakona o upravnom postupku.

Članak 83.

Žalba ne odgađa naplatu utvrđenog poreza ako ovim Zakonom nije određeno drukčije.

Ako Porezna uprava odgodi naplatu utvrđenog poreza dužna je o tomu izvjestiti tijelo koje rješava o žalbi.

Obnova postupka

Članak 84.

Porezna uprava, koja je donijela rješenje o utvrđivanju poreza kojim je okončan postupak utvrđivanja poreza može sama ili na zahtjev obveznika obnoviti postupak u roku od pet godina nakon njegove pravomoćnosti prema odredbama Zakona o upravnom postupku.

Prisilna naplata poreza

Članak 85.

Od poreznog obveznika koji dospjeli porez nije platio u propisanom roku i od jamca za naplatu poreza koji se plaća po odbitku, koji nije obračunao i uplatio porez u propisanom roku (u daljem tekstu: porezni dužnik), porez se prisilno naplaćuje na temelju rješenja o određivanju prisilne naplate.

U rješenju o određivanju prisilne naplate, pored ostalog, moraju biti iskazani visina duga, kamata i troškova, naznaka dužnikove imovine iz koje će se izvršiti prisilna naplata i način izvršenja prisilne naplate.

Porezna uprava koja prisilno naplaćuje porez može rješenjem iz stavka 1. ovog članka:

1. Privremeno zabraniti poreznom dužniku raspolaganje novčanim sredstvima na računu i drugim računima, kod banke, odnosno druge financijske organizacije kod koje porezni obveznik vodi svoje račune.

2. Naložiti banci ili drugoj financijskoj organizaciji da sva zatečena sredstva i ona koja budu pristigla u korist računa poreznog dužnika doznači radi podmirenja poreznog duga na određeni račun.

Članak 86.

Porez koji nije naplaćen iz novčanih sredstava poreznog dužnika na način iz članka 85. stavak 3. ovog Zakona, prisilno se naplaćuje iz cjelokupne druge imovine, prihoda i potraživanja poreznog dužnika, osim iz imovine, prihoda i potraživanja koja su ovim Zakonom izuzeta od prisilne naplate.

Porezna uprava koja prisilno naplaćuje porez, može popisati svu pokretnu imovinu poreznog dužnika, osim ako postoje dokazi ili da pokretne stvari nisu njegovo vlasništvo ili ako to nesumnjivo proizilazi iz okolnosti.

Porez od poljoprivrede i šumarstva može se prisilno naplatiti iz prihoda i imovine svih članova kućanstva.

Članak 87.

Prisilna naplata prodajom imovine sastoji se iz popisa sa procjenom i prodajom imovine.

Prije poduzimanja prisilne naplate iz stavka 1. ovog članka Porezna uprava dužna je poreznom dužniku ili punoljetnom članu njegova kućanstva dostaviti rješenje o određivanju prisilne naplate prodajom imovine. Rješenjem o prisilnoj naplati opominje se porezni dužnik da će dug biti naplaćen nakon isteka roka koji ne može biti kraći od 8 dana, od dana primitka.

Imovina se popisuje i procjenjuje nakon uručjenja rješenja o određivanju prisilne naplate, a imovina se ne može prodati prije nego što protekne osam dana od izvršenog popisa.

Iznimno, ako se popisuje odnosno prodaje kvarljiva roba, te se radnje mogu obavljati i u rokovima kraćim od osam dana.

Članak 88.

Porezni dužnik snosi sve troškove naplate, osim troškova popisa i procjene, ako je dug podmirio u roku od osam dana nakon popisa.

Članak 89.

Prisilna naplata poreza prodajom imovine obustavlja se kada porezni dužnik isplati porez koji duguje s kamatama i troškovima ili kada na drugi način prestane obveza plaćanja duga.

Članak 90.

Rješenje o određivanju prisilne naplate poreza prodajom imovine iz pokretne imovine donosi Porezna uprava na čijem se području nalazi imovina.

Članak 91.

Protiv rješenja o određivanju prisilne naplate prodajom imovine, kao i na izvršeni popis i procjenu, porezni dužnik može Poreznoj upravi izjaviti prigovor u roku od tri dana od dana dostave rješenja.

O prigovoru rješava Porezna uprava koja je donijela rješenje o određivanju prisilne naplate.

Prigovor iz stavka 1. ovog članka odlaže dalji postupak prisilne naplate do dostave rješenja o prigovoru poreznom dužniku ili punoljetnom članu njegovog kućanstva.

Protiv rješenja o prigovoru iz stavka 2. ovog članka može se izjaviti žalba u roku od 15 dana od dana dostave toga rješenja Središnjem uredu Porezne uprave.

Ako porezni dužnik nije izjavio prigovor protiv rješenja o određivanju prisilne naplate, niti na izvršeni popis i procjenu u roku iz stavka 1. ovog članka, ima pravo izjaviti žalbu Središnjem uredu Porezne uprave u roku od 15 dana od dana dostave rješenja o određivanju prisilne naplate, odnosno nakon popisa i procjene.

Žalba ne zadržava naplatu.

U prigovoru, odnosno žalbi ne mogu se iznositi okolnosti koje se odnose na razrez poreza.

Članak 92.

Pokretnine poreznog dužnika popisuje se ovim redom:

1. Gotov novac.
2. Obveznice ili drugi vrijednosni papiri ako su dospjeli na naplatu ili se mogu eskontirati.
3. Nakit i druge dragocjenosti
4. Ostale pokretnine i to prije svega one koje se mogu lako unovčiti.

Porezni dužnik može ponuditi red po kojem će se popisati pokretnine.

Porezna uprava dužna je prihvatiti ponudu dužnika po redu popisa pokretnina, ako se na taj način ne bi otežala pravodobna naplata poreza.

Članak 93.

Pokretnine popisuje i prodaje ovlašćeni radnik Porezne uprave (u daljem tekstu: izvršitelj) na temelju rješenja o određivanju prisilne naplate.

Članak 94.

Pokretnine se popisuju u nazočnosti poreznog dužnika ili nekog od punoljetnih članova njegovog kućanstva jednog punoljetnog građanina kao svjedoka, odnosno u nazočnosti dva punoljetna građanina kao svjedoka, ako popisu nije prisutan porezni dužnik ni punoljetni član njegovog kućanstva.

Članak 95.

Ako porezni dužnik ne pokaže prostorije i predmete u stanu, izvršitelj je ovlašćen otvoriti zaključane prostorije, pokućstvo i druge predmete, kako bi mogao obaviti popis i procjenu.

Ako se pretpostavlja da su pokretne stvari pogodne za popis skrivene kod poreznog dužnika, izvršitelj će ga pozvati da stvari preda radi popisa, a ako se dužnik ne odazove pozivu obaviti će osobni pretres.

Radnje iz stavka 1. i 2. ovog članka izvršitelj poduzima samo ako se prisilna naplata ne može izvršiti na drugi način i ako ima posebno rješenje Porezne uprave kojim se određuje izvršenje ovih radnji, za svaki pojedini slučaj ponaosob. Ove radnje mogu se obaviti samo u nazočnosti dva punoljetna građanina kao svjedoka.

Članak 96.

Prilikom popisa pokretnina izvršitelj obavlja i njihovu procjenu, a ako je potrebno može pozvati i posebnog procjenitelja na zahtjev poreznog dužnika.

Članak 97.

O popisu pokretnina izvršitelj je dužan voditi zapisnik u kome mora navesti sve potrebne podatke i druge pojedinosti koje su se dogodile tijekom popisa.

Zapisnik o popisu potpisuje izvršitelj, porezni dužnik, odnosno punoljetan član njegovog kućanstva, nazočni svjedoci, procjenitelj i druge službene osobe koje su bile nazočne pri popisu.

Popis gubi važnost ako se u roku od 90 dana od dana popisa poreznom dužniku ne dostavi oglas o javnoj prodaji.

Članak 98.

Ako porezni dužnik izjavi da su popisane pokretne vlasništvo treće osobe, a ne pruži za to dokaze ni on ni treća osoba, izvršitelj može popisati i te predmete, ali će to treća osoba uputiti da podnese tužbu sudu u roku od 15 dana od dana dostave obavijesti o popisu radi dokazivanja svoga prava vlasništva. Ako u tom roku ne podnese dokaz da je tužba podnijeta sudu, postupak prisilne naplate nastavit će se kao da nije bilo prigovora.

Podnošenjem tužbe sudu u roku određenom u stavku 1. ovog članka odlaže se prodaja popisanih stvari iz stavka 1. ovog članka do okončanja sudbenog postupka.

Članak 99.

Popisane pokretne ostavljaju se na čuvanje poreznom dužniku.

Iznimno ako postoji utemeljena sumnja da će porezni dužnik otuđiti popisane pokretne, Porezna uprava može te pokretne oduzeti dužniku, da ih sama čuva ili ih može dati drugom na čuvanje.

Članak 100.

Radi naplate dospjelog poreza Porezna uprava može rješenjem staviti zabranu najviše do 1/3 plaće iz radnog odnosa i na druga potraživanja poreznog dužnika, kojim se poreznom dužniku zabranjuje da raspolaze zabranjenim iznosom plaće, odnosno drugim potraživanjima, a njegovom se dužniku nalaze da zabranjeni dio plaće, odnosno drugo potraživanje isplati u korist poreznog duga. Rješenje donosi Porezna uprava kod koje se porezni dužnik zadužuje porezom.

Protiv rješenja iz stavka 1. ovog članka porezni dužnik i njegov dužnik mogu u roku od tri dana od dana dostave rješenja izjaviti prigovor Poreznoj upravi. O prigovoru rješava Porezna uprava koja je donijela rješenje.

Prigovor zadržava izvršenje do dostave rješenja o prigovoru dužnika poreznom obvezniku.

Protiv rješenja o prigovoru porezni dužnik i njegov dužnik mogu izjaviti žalbu u roku od 15 dana od dana dostave tog rješenja Središnjem uredu Porezne uprave.

Ako porezni dužnik ili njegov dužnik nisu izjavili prigovor protiv rješenja o stavljanju zabrane na plaću iz radnog odnosa i na druga potraživanja imaju pravo izjaviti žalbu Središnjem uredu Porezne uprave u roku od 15 dana od dana dostave rješenja o stavljanju zabrane na plaću iz radnog odnosa i na druga potraživanja.

Žalba poreznog dužnika ne zadržava naplatu dok žalba dužnika poreznog dužnika zadržava naplatu.

U prigovoru, odnosno u žalbi ne mogu se iznositi okolnosti koje se odnose na razrez poreza.

Članak 101.

Ako dužnik poreznog dužnika nije izjavio prigovor ili žalbu ili su njegovi prigovor ili žalba odbijeni, a ne postupi po rješenju iz članka 100. stavak 1. ovog Zakona rješenje na koje je stavljena

potvrda izvršenosti na zahtjev Porezne uprave izvršit će organizacija ili ustanova iz sredstava dužnika poreznog dužnika, a od građana i građanskih pravnih osoba rješenje će izvršiti samo Porezna uprava.

Članak 102.

Predmetom prisilne naplate ne mogu biti:

1. Odjeća, obuća, rublje i drugi predmeti osobne uporabe, posteljine, posude, pokućstvo, štednjak, hladnjak, mašina za pranje rublja i druge stvari koje služe za zadovoljenje potreba kućanstva ukoliko su neophodni poreznom obvezniku i članovima njegovog kućanstva.

2. Znanstvena i stručna literatura.

3. Radna i rasplodna stoka, poljoprivredni strojevi i druga oruđa za rad koji su poreznom obvezniku zemljoradniku neophodni za održavanje poljoprivrednog gazdinstva u mjeri u kojoj je to potrebno za njegovo izdržavanje i izdržavanje članova njegova kućanstva, kao i sjeme za uporabu na tomu gazdinstvu, kao i hrana za stoku za četiri mjeseca.

4. Hrana i ogrijev za četiri mjeseca za poreznog dužnika i članove njegovog kućanstva.

5. Potraživanja na temelju osiguranja imovine i osoba.

6. Dvije trećine plaće, mirovine i invalidnih primanja te naknade za slučaj sprječivosti za rad, tako da poreznom dužniku mora ostati iznos u visini minimalne plaće.

7. Novčana primanja koja čine naknadu troškova (dnevnice, putni i drugi troškovi) doplaci za djecu, socijalne pomoći, stipendije, naknade i nagrade koje osuđene osobe primaju za rad u kaznenopopravnim domovima, kao i primanja pripadnika Vojske FBiH.

8. Novčane pošiljke predane pošti dok se ne uruče poreznom dužniku.

9. Potraživanje na ime zakonskog izdržavanja.

10. Naknade koju maloljetna osoba ili mlada punoljetna osoba prima za obavljeni rad u odgojnoj ustanovi ili domu za predodgoj.

11. Alat, strojevi i drugi predmeti koji su poreznom obvezniku koji samostalno obavlja zanatsku djelatnost osobnim radom, sredstvima rada u svojini građana, neophodni za obavljanje djelatnosti, kao i sirovine i pogonsko gorivo za tri mjeseca rada.

12. Ordeni, medalje, zlatni ljeljani i drugi znaci odlikovanja i priznanja, vjenčani prsten, osobna pisma, rukopisi i drugi osobni spisi poreznog dužnika, kao i obiteljske slike.

13. Pomagala koja su invalidu ili drugoj osobi s tjelesnim nedostacima data na temelju propisa ili koje je sam nabavio, a neophodna su mu za obavljanje njegovih životnih dužnosti.

Predmeti prisilne naplate ne mogu biti ni druge stvari ni potraživanja ako bi se time dovelo u pitanje nužno izdržavanje poreznog dužnika, članova njegovog kućanstva i drugih osoba koje je porezni dužnik po zakonu dužan izdržavati.

Ako se prilikom popisa ne nađu stvari koje mogu biti predmet izvršenja popis će se ponovno sprovesti.

Članak 103.

Ako porezni dužnik otuđi, uništi ili ošteti popisane stvari, Porezna uprava podnijet će kaznenu prijavu nadležnom tužiteljstvu, a radi naplate duga odmah će obaviti novi popis, bez posebnog rješenja.

Članak 104.

Popisane stvari prodaju se na javnoj prodaji nadmetanjem, a ako su popisani predmeti kvarljivi, mogu se unovčiti u direktnoj prodaji.

Članak 105.

Javna prodaja određuje se oglasom. Oglas o javnoj prodaji mora sadržavati podatke o dužniku, mjestu, danu, satu i načinu prodaje te opis stvari.

Oglas o javnoj prodaji objavljuje se na uobičajen način u mjestu gdje se stvari prodaju, a mora se uz potvrdu na dostavnici dostaviti i poreznom dužniku, najmanje pet dana prije dana određenog za javnu prodaju, ako mu dan javne prodaje nije saopćen u zapisniku povodom popisa i procjene imovine.

Članak 106.

Javna prodaja može početi ako su se javila najmanje dva ponuđača.

Na javnoj prodaji kao ponuđači ne mogu sudjelovati porezni dužnik i članovi njegova kućanstva, a ni službena osoba zaposlena u Poreznoj upravi.

Popisane pokretne javno se prodaju s početnom cijenom koja je utvrđena prilikom popisa.

Ako se na javnoj prodaji ne postigne početna cijena stvari će se prodati po najvišoj ponuđenoj cijeni. Ta cijena ne može biti manja od polovice vrijednosti utvrđene procjenom.

Ako se za pojedine stvari na javnoj prodaji ne postigne polovica procijenjene vrijednosti, može se u roku od najmanje pet dana, odrediti druga javna prodaja, na kojoj se stvari mogu prodati po nižoj cijeni ali ne ispod trećine procijenjene vrijednosti.

Ako se ni na ponovljenoj javnoj prodaji stvari ne mogu prodati Porezna uprava odredit će način prodaje.

Članak 107.

Izvršitelj je dužan voditi zapisnik o javnoj prodaji u koji unosi sve potrebne podatke o načinu, vremenu prodaje, ponuđačima i druge pojedinosti što su od interesa za sve osobe koje su sudjelevali u prodaji.

Zapisnik potpisuje izvršitelj, kupac i porezni dužnik, ako je prisustvovao javnoj prodaji. Porezni dužnik može zahtijevati da se njegove primjedbe unesu u zapisnik.

Članak 108.

Porez se prisilno naplaćuje iz pokretnina, dohotka i potraživanja poreznog dužnika i članova njegova kućanstva, a može se naplatiti i iz nekretnina poreznog dužnika.

U postupku prisilne naplate može se izvršiti uknjižba založnog prava na nekretninu poreznog dužnika radi osiguranja naplate.

Članak 109.

Ako postoji opasnost da porezni dužnik osujeti naplatu još nedospjelog iznosa poreza, mogu se poduzeti mjere za osiguranje naplate.

Mjere osiguranja sastoje se u popisu pokretnina, zabrani raspolaganja potraživanjem poreznog dužnika, oduzimanjem pokretnina i predbilježbi založnog prava na nekretninu.

Mjere za osiguranje naplate mogu se poduzeti radi naplate neutvrđenog iznosa poreza čim je pokrenut postupak utvrđivanja ako postoji opasnost da bi porezni dužnik mogao osujetiti naplatu.

Članak 110.

Porez iz pokretnina poreznog dužnika prisilno naplaćuje Porezna uprava koja je donijela rješenje o razrezu poreza u prvom stupnju.

Porez iz nekretnina poreznog dužnika na zahtjev Porezne uprave, prisilno naplaćuje nadležni sud u roku tri mjeseca nakon primljenog zahtjeva.

Članak 111.

Od ukupno naplaćenih obveza prisilnim putem najprije se podmiruju troškovi prisilne naplate, potom kamate, novčane kazne po ovom Zakonu te dužni porez i doprinos.

Višak sredstava što se ostvari prodajom vraća se poreznom dužniku na njegov zahtjev.

Ako se rješenje o prisilnoj naplati stavi izvan snage ili se mjere poduzete radi osiguranja naplate pokažu neopravdanim, porezni dužnik ne snosi troškove postupka.

Članak 112.

Dospjeli iznos koji se ne može naplatiti ni prisilnim putem otpisuje se kao nenaplativ:

1. Ako je porezni dužnik umro ili se odselio u nepoznato mjesto a nije ostavio pokretnina i nekretnina iz kojih se može naplatiti dospjeli porez, ako se iza umrlog naknadno pronađe imovina ili se sazna za novo pribježište poreznog dužnika koji se odselio, ponovno će se zadužiti otpisanim porezom, pod uvjetom da nije nastupila zastara prava na naplatu.

2. Ako se prisilnom naplatom koja se obavlja svake godine bez uspjeha, dug nije mogao naplatiti ni nakon isteka treće godine od dana dospelosti. Ako se nakon otpisa pojavi mogućnost naplate otpisanog poreza, porezni se dužnik ponovno zadužuje otpisanim porezom, pod uvjetom da nije nastupila zastara prava na naplatu.

Ako bi izvršenje naplate dovelo u pitanje nužno održavanje poreznog dužnika i njegova kućanstva, porez se može iznimno otpisati u cijelosti ili djelomice.

O otpisu dospjelog poreza rješava Porezna uprava.

Jamstvo

Članak 113.

Ako se porez ne može naplatiti iz imovine poreznog obveznika, naplatit će se iz imovine članova njegova kućanstva koji su tu imovinu stekli od poreznog obveznika po bilo kojoj osnovi.

Ako je porezni obveznik, da bi izbjegao obvezu plaćanja poreza, otuđio imovinu pravnim poslom u korist osoba koje nisu članovi njegovog kućanstva, Porezna uprava može takav posao pobijati pred sudom, pod uvjetom da je kupac znao za takvu namjeru obveznika.

Osoba koja nije kao vlasnik ili posjednik upisana u katastar zemljišta, a koristi zemljište, solidarno jamči za porez na to zemljište s osobom koja je kao vlasnik ili posjednik upisana u katastar zemljišta.

Za naplatu poreza koji se plaća po dobitku jamči isplatelj.

Članak 114.

Ako više osoba ostvaruje prihod zajedničkim obavljanjem djelatnosti solidarno jamče, za obveze na temelju zajedničkog obavljanja djelatnosti.

Članak 115.

Porezni dužnik koji otuđi strojeve, uređaje ili drugi inventar što su mu služili za obavljanje djelatnosti ili otuđi radnju u cjelini, dužan je predhodno podmiriti svoje porezne obveze.

Ako novi vlasnik preuzme imovinu iz stavka 1. ovog članka a porez nije plaćen za naplatu dospjelog poreza jamči solidarno s poreznim dužnikom i novi vlasnik do visine vrijednosti preuzete imovine.

Članak 116.

Građanin koji drži u zakupu zemljište na koje se plaća porez od poljoprivrede i šumarstva, solidarno odgovara sa zakupodavateljem za dužni porez što otpada na to zemljište do visine zakupnine, odnosno do vrijednosti napolice.

Članak 117.

Osobe koje vlasnicima putujućih zabavnih radnji, odnosno priređivačima zabavnih priredbi uz naplatu ili besplatno ustupaju svoj stambeni ili poslovni prostor odgovaraju solidarno s poreznim obveznikom za sve porezne obveze.

Zastara

Članak 118.

Pravo na utvrđivanje porezne obveze te pravo na pokretanje prekršajnog postupka zbog povreda odredbi ovog Zakona zastarijeva za tri godine nakon isteka godine u kojoj je trebalo utvrditi porezne obveze, odnosno u kojoj su povrijeđene odredbe ovog Zakona.

Pravo na naplatu poreza, kamata i troškova prisilnog izvršenja i novčanih kazni zbog povreda odredbi ovoga Zakona zastarijeva za tri godine nakon isteka godine u kojoj ih je trebalo naplatiti.

Pravo poreznog obveznika na povrat nepravilno ili više plaćenih iznos na ime poreza, kamata troškova prisilnog izvršenja i novčanih kazni zastarijeva za tri godine nakon isteka godine u kojoj su oni naplaćeni.

Članak 119.

Tijek zastare prava na utvrđivanje poreznih obveza prekida se svakom službenom radnjom Porezne uprave radi utvrđivanja porezne obveze koja je stavljena do znanja poreznom obvezniku.

Tijek zastare prava na naplatu poreza, kamata, troškova, prisilnog izvršenja i novčanih kazni prekida se svakom službenom radnjom što je poduzima Porezna uprava radi naplate koja je stavljena do znanja poreznom obvezniku.

Tijek zastare prava na povrat nepravilno ili više plaćenog poreza, kamate troškova prisilnog izvršenja i novčanih kazni prekida se svakom radnjom što je obveznik, odnosno kažnjena osoba poduzima kod Porezne uprave radi povrata.

Nakon svakog prekida zastara počinje teći iznova i nastupa kad protekne onoliko vremena koliko je potrebno za određeno zastarijevanje.

Apsolutna zastara nastupa nakon isteka deset godina od dana kada je prvi put počela teći.

Članak 120.

Propisi o zastari potraživanja, ako nisu u suprotnosti s ovim Zakonom, primjenjuju se i na zastaru prava utvrđivanja i naplate poreznih obveza.

IV. KAZNENE ODREDBE

Članak 121.

Novčanom kaznom od 250,00 do 2.500,00 KM kaznit će se za prekršaj:

1. Porezni obveznik koji ne podnese poreznu prijavu u propisanom roku (članak 56. stavak 1. i 2. i članak 58. stavak 2.).

2. Porezni obveznik koji iskaže netačne ili nepotpune podatke u poreznoj prijavi ili ne plati porez u propisanom roku (članak 57.).

3. Poslodavac, odnosno isplatiatelj koji ne obračuna ili ne uplati akontaciju poreza od rada kod poslodavca, fizičke osobe, koje su dužne same obračunati porez od nesamostalnog rada i strane organizacije, te isplatiitelji koji su dužni obračunati porez po odbitku (članak 60., 61. i 62.).

4. Porezni obveznik koji ne vodi ili netočno ili neažurno vodi poslovne knjige ili ne izdaje račune ili ne obračuna u potpunosti ili djelomično akontaciju poreza (članak 19. stavak 3. i 4., članak 64. stavak 1.).

5. Porezni obveznik koji ne plaća mjesečnu akontaciju poreza u propisanom roku (članak 66. stavak 1.).

6. Porezni obveznik koji počinje obavljati redovitu samostalnu djelatnost a o tomu ne izvjesti Poreznu upravu (članak 67.).

7. Porezni obveznik koji Poreznoj upravi ne prijavi početak izdavanja u najam, odnosno zakup nekretnina i pokretnih stvari u propisanom roku i ne plaća akontaciju poreza u propisanom roku (članak 72. stavak 1.).

Članak 122.

Novčanom kaznom od 500,00 do 15.000,00 KM za prekršaj će se kazniti organi i organizacije koje, na zahtjev Porezne uprave, ne pruže podatke o isporučenoj robi i obavljenim uslugama o isplaćenim plaćama, mirovinama i drugim primanjima zaposlenih radnika ili podatke o prometu preko računa građana ili onemogućće uvid u poslovne knjige i evidencije radi utvrđivanja podataka potrebnih za utvrđivanje poreza (članak 73.).

Novčanom kaznom iz stavka 1. ovog članka za prekršaj će se kazniti pravne i fizičke osobe, koje isplate građanima ne izvrše preko računa (članak 74.).

Za prekršaj iz stavka 1. i 2. ovog članka odgovorne osobe u pravnoj osobi kaznit će se novčanom kaznom od 150,00 do 1.500,00 KM.

Članak 123.

Novčanom kaznom od 250,00 KM do 2.500,00 KM za prekršaj će se kazniti porezni obveznik koji poslovne knjige i otpremnice te propisane evidencije ne drži u poslovnoj prostoriji ili kod ovlaštenog servisa ili u stanu ili ometa pregled poslovnih knjiga i poslovnih prostorija (članak 75. stavak 2. i članak 76.).

Članak 124.

Za prekršaj iz članka 123. ovog Zakona ovlašćeni radnik Porezne uprave može učinitelju prekršaja na mjestu gdje je prekršaj učinjen izreći novčanu kaznu u iznosu od 150,00 KM.

Članak 125.

Za prekršaje iz članka 121. točke 4. i 5. i članka 123. ovog Zakona učinjene u povratu drugi put Porezna uprava, uz novčanu kaznu, izreći će i zaštitnu mjeru, zabrana obavljanja djelatnosti, u trajanju od tri mjeseca do jedne godine.

Za prekršaje iz stavka 1. ovog članka učinjene u povratu treći put Porezna uprava uz novčanu kaznu, izreći će i zaštitnu mjeru zabrana obavljanja djelatnosti.

Iznimno od odredbe stavka 1. i 2. ovog članka ako bi zaštitna mjera, zabrana obavljanja djelatnosti, izazvala veće štetne posljedice i poremećaje u gospodarstvu ili veće otpuštanje zaposlenih radnika, može se za prekršaj u povratu izreći samo novčana kazna.

Članak 126.

Postupak za izricanje kazne o prekršajima zbog povrede odredaba ovog Zakona, pokreće, vodi i rješenje o prekršaju donosi Porezna uprava.

Protiv rješenja iz stavka 1. ovog članka može se izjaviti žalba u roku od osam dana od dana prijema rješenja Federalnom vijeću za prekršaje, putem Porezne uprave.

Članak 127.

Prekršajni postupak u prvom stupnju vodi i rješenje o prekršaju donosi Komisija za prekršaje Porezne uprave.

Postupak u drugom stupnju vodi i rješenje o prekršaju donosi Federalno vijeće za prekršaje.

Članak 128.

Glede vođenja prekršajnog postupka primjenjuju se odredbe Zakona o prekršajima kojim se povređuju županijski propisi.

V. PRIJELAZNE I ZAVRŠNE ODREDBE

Članak 129.

Propise za sprovođenje ovog Zakona donijet će ministar financija u roku od šest mjeseci od dana stupanja na snagu ovog Zakona.

Članak 130.

Od dana primjene ovog Zakona prestaju se primjenjivati na području Tuzlansko-podrinjske županije Zakon o porezima građana - pročišćeni tekst ("Službeni list SR BiH", broj: 18/89.) i Zakon o izmjenama i dopunama Zakona o porezima građana ("Službeni list RBiH", broj: 2/96.), kao i njihovi prateći provedbeni propisi.

Članak 131.

Ovaj Zakon stupa na snagu danom objavljivanja u "Službenim novinama Tuzlansko-podrinjskog kantona", a primjenjivat će se od 01. 01. 1999. godine.

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA

Broj: 01-011-45-21/98
Tuzla, 30. 5. 1998. godine

Predsjednik
Sabora Tuzlansko-podrinjske
županije,

Fuad Hadžić, v.r.



710

Na osnovu poglavlja IV, odjeljak B, člana 33. stav 1. tačka e) Ustava Tuzlansko-podrinjskog kantona, donosim

UKAZ

O PROGLAŠENJU ZAKONA O PRESTANKU PRIMJENE ZAKONA O PREUZIMANJU ZAKONA O NAPUŠTENIM STANOVIMA U TUZLANSKO-PODRINJSKOM KANTONU

Proglašava se Zakon o prestanku primjene Zakona o preuzimanju Zakona o napuštenim stanovima u Tuzlansko-podrinjskom kantonu koji je donijela Skupština Tuzlansko-podrinjskog kantona na sjednici od 30. 5. 1998. godine

Broj: 1621/98
Tuzla, 6. 6. 1998.

Predsjednik
Tuzlansko-podrinjskog kantona,

dr. Sead Jamakosmanović, v.r.

ZAKON

O PRESTANKU PRIMJENE ZAKONA O PREUZIMANJU ZAKONA O NAPUŠTENIM STANOVIMA U TUZLANSKO-PODRINJSKOM KANTONU

Član 1.

Primjena Zakona o preuzimanju Zakona o napuštenim stanovima u Tuzlansko-podrinjskom kantonu ("Službene novine Tuzlansko-podrinjskog kantona", broj: 7/96.) prestaje danom stupanja na snagu Zakona o prestanku primjene Zakona o napuštenim stanovima ("Službene novine Federacije Bosne i Hercegovine", broj: 11/98.).

Član 2.

Ovaj Zakon stupa na snagu danom objavljivanja u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON

Skupština
Broj: 01-011-164-4/98
Tuzla, 30. 5. 1998.g.

Predsjednik
Skupštine Tuzlansko-podrinjskog
kantona,

Fuad Hadžić, v.r.



710

Na temelju poglavlja IV, odjeljak B, članka 33. stavak 1. točka e) Ustava Tuzlansko-podrinjske županije, donosim

UKAZ

O PROGLAŠENJU ZAKONA O PRESTANKU PRIMJENE ZAKONA O PREUZIMANJU ZAKONA O NAPUŠTENIM STANOVIMA U TUZLANSKO-PODRINJSKOJ ŽUPANIJI

Proglašava se Zakon o prestanku primjene Zakona o preuzimanju Zakona o napuštenim stanovima u Tuzlansko-podrinjskoj županiji koji je donio Sabor Tuzlansko-podrinjske županije na sjednici od 30. 5. 1998. godine.

Broj: 1621/98
Tuzla, 6. 6. 1998.

Predsjednik
Tuzlansko-podrinjske županije

dr. Sead Jamakosmanović, v.r.

ZAKON

O PRESTANKU PRIMJENE ZAKONA O PREUZIMANJU ZAKONA O NAPUŠTENIM STANOVIMA U TUZLANSKO-PODRINJSKOJ ŽUPANIJI

Članak 1.

Primjena Zakona o preuzimanju Zakona o napuštenim stanovima u Tuzlansko-podrinjskoj županiji ("Službene novine Tuzlansko-podrinjskog kantona", broj: 7/96.) prestaje danom stupanja na snagu Zakona o prestanku primjene Zakona o napuštenim stanovima ("Službene novine Federacije Bosne i Hercegovine", broj: 11/98.).

Članak 2.

Ovaj Zakon stupa na snagu danom objavljivanja u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA

Sabor
Broj: 01-011-164-4/98
Tuzla, 30. 5. 1998.g.

Predsjednik
Sabora Tuzlansko-podrinjske
županije,

Fuad Hadžić, v.r.



711

Na osnovu poglavlja IV, odjeljak B, člana 33. stav 1. tačka e) Ustava Tuzlansko-podrinjskog kantona, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O SREDNJOJ ŠKOLI

Proglašava se Zakon o izmjenama i dopunama Zakona o srednjoj školi koji je donijela Skupština Tuzlansko-podrinjskog kantona na sjednici od 30. 5. 1998. godine.

Broj: 1622/98
Tuzla, 6. 6. 1998.

Predsjednik
Tuzlansko-podrinjskog kantona,

dr. Sead Jamakosmanović, v.r.

ZAKON

O IZMJENAMA I DOPUNAMA ZAKONA O SREDNJOJ ŠKOLI

Član 1.

U Zakonu o srednjoj školi ("Službene novine Tuzlansko-podrinjskog kantona", broj: 4/96. i 9/97.) u članu 56. stav 1. briše se riječi: "na odgovarajućim visokoškolskim institucijama".

Član 2.

Član 65. mijenja se i glasi:

“Učenik koji završi tehničku i srodnu školu osposobljen je za rad i za nastavak obrazovanja”.

Član 3.

U članu 81. dodaje se stav 2. koji glasi:

“Učenik koji završi srednju školu za vjerske službenike osposobljen je za rad i za nastavak obrazovanja”.

Član 4.

Ovaj Zakon stupa na snagu danom objavljivanja u “Službenim novinama Tuzlansko-podrinjskog kantona”.

Bosna i Hercegovina Federacija Bosne i Hercegovine TUZLANSKO-PODRINJSKI KANTON Skupština Broj: 01-011-173-4/98 Tuzla, 30. 5. 1998. godine	Predsjednik Skupštine Tuzlansko-podrinjskog kantona, Fuad Hadžić, v.r.
---	---

711

Na temelju poglavlja IV, odjeljak B, članka 33. stavak 1. točka e) Ustava Tuzlansko-podrinjske županije, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O SREDNJOJ ŠKOLI

Proglašava se Zakon o izmjenama i dopunama Zakona o srednjoj školi koji je donio Sabor Tuzlansko-podrinjske županije na sjednici od 30. 5. 1998. godine

Broj: 1622/98
Tuzla, 6. 6. 1998.

Predsjednik
Tuzlansko-podrinjske županije

dr Sead Jamakosmanović, v.r.

ZAKON

O IZMJENAMA I DOPUNAMA ZAKONA O SREDNJOJ ŠKOLI

Članak 1.

U Zakonu o srednjoj školi (“Službene novine Tuzlansko-podrinjskog kantona”, broj: 4/96. i 9/97.) u članku 56. stavak 1. brišu se riječi: “na odgovarajućim visokoškolskim institucijama”.

Članak 2.

Članak 65. mijenja se i glasi:

“Učenik koji završi tehničku i srodnu školu osposobljen je za rad i za nastavak naobrazbe”.

Članak 3.

U članku 81. dodaje se stavak 2. koji glasi:

“Učenik koji završi srednju školu za vjerske službenike osposobljen je za rad i za nastavak naobrazbe”.

Članak 4.

Ovaj Zakon stupa na snagu danom objavljivanja u “Službenim novinama Tuzlansko-podrinjskog kantona”.

Bosna i Hercegovina Federacija Bosne i Hercegovine TUZLANSKO-PODRINJSKA ŽUPANIJA Sabor Broj: 01-011-173-4/98 Tuzla, 30. 5. 1998. godine	Predsjednik Sabora Tuzlansko-podrinjske županije, Fuad Hadžić, v.r.
---	--

712

Na osnovu člana 24. stav 1. tačka c) Ustava Tuzlansko-podrinjskog kantona (“Službene novine Tuzlansko-podrinjskog kantona”, broj: 7/97.), na prijedlog Vlade Tuzlansko-podrinjskog kantona, Skupština Tuzlansko-podrinjskog kantona, na sjednici od 30. 5. 1998. godine, donosi

ODLUKU

Član 1.

Primjena Odluke Skupštine Tuzlansko-podrinjskog kantona broj: 01-011-208-13/96 od 8. jula 1996. godine (“Službene novine Tuzlansko-podrinjskog kantona”, broj: 3/96.) prestaje sa 4. aprilom 1998. godine.

Član 2.

Ova Odluka stupa na snagu danom objavljivanja u “Službenim novinama Tuzlansko-podrinjskog kantona”.

Bosna i Hercegovina Federacija Bosne i Hercegovine TUZLANSKO-PODRINJSKI KANTON Skupština Broj: 01-011-165-3/98 Tuzla, 30. 5. 1998. g.	Predsjednik Skupštine Tuzlansko-podrinjskog kantona, Fuad Hadžić, v.r.
---	---

712

Na temelju članka 24. stavak 1. točka c) Ustava Tuzlansko-podrinjske županije (“Službene novine Tuzlansko-podrinjskog kantona”, broj: 7/97.), na prijedlog Vlade Tuzlansko-podrinjske županije, Sabor Tuzlansko-podrinjske županije, na sjednici od 30. 5. 1998. godine, donosi

ODLUKU

Članak 1.

Primjena Odluke Sabora Tuzlansko-podrinjske županije broj: 01-011-208-13/96 od 8. srpnja 1996. godine (“Službene novine Tuzlansko-podrinjskog kantona”, broj: 3/96.) prestaje s 4. travnja 1998. godine.

Članak 2.

Ova Odluka stupa na snagu danom objavljivanja u “Službenim novinama Tuzlansko-podrinjskog kantona”.

Bosna i Hercegovina Federacija Bosne i Hercegovine TUZLANSKO-PODRINJSKA ŽUPANIJA Sabor Broj: 01-011-165-3/98 Tuzla, 30. 5. 1998. g.	Predsjednik Sabora Tuzlansko-podrinjske županije, Fuad Hadžić, v.r.
---	--

713

Na osnovu člana 38. Zakona o prodaji stanova na kojima postoji stanarsko pravo (“Službene novine Federacije Bosne i Hercegovine”, broj: 27/97. i 11/98.) i člana 25. stav 2. Zakona o Vladi Tuzlansko-podrinjskog kantona (“Službene novine Tuzlansko-podrinjskog kantona”, broj: 2/94, 4/95. i 9/96.) Vlada Tuzlansko-podrinjskog kantona na sjednici održanoj 7. 5. 1998. godine, donosi

ODLUKU

o osnivanju Kantonalnog fonda za izgradnju

I.

Ovom Odlukom osniva se Kantonalni fond za izgradnju stanova za članove porodica šehida i poginulih boraca, ratnih vojnih invalida,

demobilisanih boraca i prognanih osoba (u daljem tekstu: Fond), u sastavu Ministarstva urbanizma, prostornog uređenja i zaštite okolice Tuzlansko-podrinjskog kantona, propisuje njegova djelatnost, upravljanje, ustrojstvo i prestanak rada.

II.

Fond osniva Vlada Tuzlansko-podrinjskog kantona (u daljem tekstu: Vlada).

Fond ima status pravne osobe sa administrativnom, tehničkom i finansijskom samostalnošću.

Naziv Fonda je: Kantonalni fond za izgradnju.

Sjedište Fonda je u Tuzli.

III.

Fond obavlja slijedeće poslove:

- raspolaze sredstvima subjekata koji ostvare sredstva od prodaje stanova u skladu sa članom 35, 36. i 37. Zakona o prodaji stanova na kojima postoji stanarsko pravo,
- investira izgradnju stambenih objekata, upravlja i raspolaze stambenim objektima i stanovima,
- uređuje i upravlja građevinskim zemljištem koje je proglašeno od interesa za Kanton,
- građenja koje mu povjeri Vlada,
- vrši i druge poslove u skladu sa zakonom i drugim propisima.

IV.

Prihod Fonda čine sredstva koja se ostvare od prodaje stanova, domaćih i inostranih donacija, budžeta Kantona i ostalih izvora finansiranja.

V.

Sredstva Fonda se koriste za stambenu izgradnju u skladu sa programom Fonda. Program Fonda donosi Vlada.

VI.

Fond ima statut.

Statut sadrži naročito:

- naziv i sjedište Fonda,
 - odredbe o osnivanju i imovini Fonda,
 - odredbe o organima upravljanja, postupak za njihovo postavljanje i razrješenje, kao i odgovornost za rad njihovih članova,
 - odredbe o nadležnostima organa Fonda i njihovom radu,
 - ovlaštenja za potpisivanje i zastupanje,
 - odredbe o podnošenju izvještaja o radu i finansijskom poslovanju Fonda,
 - odredbe o donošenju akata i njihovom objavljivanju
 - druge odredbe od značaja za organizaciju i rad Fonda.
- Statut Fonda mora biti u skladu sa ovom Odlukom. Saglasnost na Statut Fonda daje Vlada.

VII.

Organi Fonda su Upravni odbor i direktor Fonda.

VIII.

Upravni odbor je organ upravljanja i sastoji se od predsjednika i šest članova. Članove Upravnog odbora imenuje Vlada.

U sastav Upravnog odbora ulaze predstavnici:

- porodica šehida i poginulih boraca,
- ratnih vojnih invalida,
- demobilisanih boraca,
- prognanih osoba.

Upravni odbor donosi Statut, utvrđuje program rada, odlučuje pod kojim uslovima se mogu koristiti sredstva Fonda, donosi godišnji obračun prihoda i vrši druge poslove utvrđene Statutom Fonda.

IX.

Radom Fonda rukovodi direktor.

Direktora Fonda imenuje Upravni odbor na prijedlog ministra urbanizma, prostornog uređenja i zaštite okolice, uz saglasnost Vlade.

Direktor Fonda predstavlja Fond, predlaže program rada Fonda, podnosi izvještaj o poslovanju Fonda, osigurava efikasno obavljanje poslova, obavlja i druge poslove utvrđene Statutom Fonda.

X.

Fond ima pečat promjera 50 mm okruglog oblika sa grbom Tuzlansko-podrinjskog kantona (u daljem tekstu: Kanton) u sredini i slijedećim tekstom koji je ispisan latinicom u koncentričnim krugovima:

“Bosna i Hercegovina - Federacija Bosne i Hercegovine”
 “Tuzlansko-podrinjski kanton”
 “Ministarstvo urbanizma, prostornog uređenja i zaštite okolice”
 “Kantonalni fond za izgradnju”
 “Tuzla”.

Pored pečata iz prethodnog stava Fond ima za posebne potrebe pečat istog oblika i sadržaja promjera 30 mm.

XI.

Nadzor nad radom Fonda vrši Vlada.

XII.

Fond podnosi izvještaj o svom radu Vladi svakih 6 mjeseci.

XIII.

Fond prestaje sa radom kada prestane svrha njegovog osnivanja, o čemu odlučuje Vlada.

XIV.

Ova Odluka stupa na snagu danom donošenja i bit će objavljena u “Službenim novinama Tuzlansko-podrinjskog kantona”.

Bosna i Hercegovina
 Federacija Bosne i Hercegovine
 TUZLANSKO-PODRINJSKI
 KANTON
 VLADA
 Broj: 02/1-414-4/98
 Tuzla, 7. 5. 1998. godine

Predsjednik Vlade

Hazim Vikaló, v.r.

713

Na temelju članka 38. Zakona o prodaji stanova na kojima postoji stanarsko pravo (“Službene novine Federacije Bosne i Hercegovine”, broj: 27/97. i 11/98.) i članka 25. stavak 2. Zakona o Vladi Tuzlansko-podrinjske županije (“Službene novine Tuzlansko-podrinjskog kantona”, broj: 2/94, 4/95. i 9/96.) Vlada Tuzlansko-podrinjske županije na sjednici održanoj 7. 5. 1998. godine, donosi

ODLUKU

o osnivanju Županijskog fonda za izgradnju

I.

Ovom Odlukom osniva se Županijski fond za izgradnju stanova za članove obitelji šehida i poginulih branitelja, ratnih vojnih invalida, demobiliziranih branitelja i prognanih osoba (u daljem tekstu: Fond), u sastavu Ministarstva urbanizma, prostornog uređenja i zaštite okolice Tuzlansko-podrinjske županije, propisuje njegova djelatnost, upravljanje, ustrojstvo i prestanak rada.

II.

Fond osniva Vlada Tuzlansko-podrinjske županije (u daljem tekstu: Vlada).

Fond ima status pravne osobe sa administrativnom, tehničkom i finansijskom samostalnošću.

Naziv Fonda je: Županijski fond za izgradnju.
Sjedište Fonda je u Tuzli.

III.

Fond obavlja slijedeće poslove:

- raspolaže sredstvima subjekata koji ostvare sredstva od prodaje stanova sukladno s člankom, 35 36. i 37. Zakona o prodaji stanova na kojima postoji stanarsko pravo,
- investira izgradnju stambenih objekata, upravlja i raspolaže stambenim objektima i stanovima,
- uređuje i upravlja građevinskim zemljištem koje je proglašeno od interesa za Županiju,
- građenja koje mu povjeri Vlada,
- vrši i druge poslove sukladno zakonu i drugim propisima.

IV.

Prihod Fonda čine sredstva koja se ostvare od prodaje stanova, domaćih i inozemnih donacija, proračuna Županije i ostalih izvora financiranja.

V.

Sredstva Fonda se koriste za stambenu izgradnju sukladno programu Fonda.

Program Fonda donosi Vlada.

VI.

Fond ima statut.

Statut sadrži naročito:

- naziv i sjedište Fonda,
 - odredbe o osnutku i imovini Fonda,
 - odredbe o organima upravljanja, postupak za njihov postavljanje i razrješenje, kao i odgovornost za rad njihovih članova,
 - odredbe o nadležnostima organa Fonda i njihovom radu,
 - ovlaštenja za potpisivanje i zastupanje,
 - odredbe o podnošenju izvješća o radu i finansijskom poslovanju Fonda,
 - odredbe o donošenju akata i njihovom objavljivanju
 - druge odredbe od značaja za ustrojstvo i rad Fonda.
- Statut Fonda mora biti sukladan ovoj Odluci.
Suglasnost na Statut Fonda daje Vlada.

VII.

Organi Fonda su Upravni odbor i direktor Fonda.

VIII.

Upravni odbor je organ upravljanja i sastoji se od predsjednika i šest članova.

Članove Upravnog odbora imenuje Vlada.

U sastav Upravnog odbora ulaze predstavnici:

- obitelji šehida i poginulih branitelja,
- ratnih vojnih invalida,
- demobiliziranih branitelja,
- prognanih osoba.

Upravni odbor donosi Statut, utvrđuje program rada, odlučuje pod kojim uvjetima se mogu koristiti sredstva Fonda, donosi godišnji obračun prihoda i vrši druge poslove utvrđene Statutom Fonda.

IX.

Radom Fonda rukovodi direktor.

Direktora Fonda imenuje Upravni odbor na prijedlog ministra urbanizma, prostornog uređenja i zaštite okolice, uz suglasnost Vlade.

Direktor Fonda predstavlja Fond, predlaže program rada Fonda, podnosi izvješće o poslovanju Fonda, osigurava učinkovito obavljanje poslova, obavlja i druge poslove utvrđene Statutom Fonda.

X.

Fond ima pečat promjera 50 mm okruglog oblika sa grbom Tuzlansko-podrinjske županije (u daljem tekstu: Županija) u sredini i slijedećim tekstom koji je ispisan latinicom u koncentričnim krugovima:
"Bosna i Hercegovina - Federacija Bosne i Hercegovine"
"Tuzlansko-podrinjska županija"
"Ministarstvo urbanizma, prostornog uređenja i zaštite okolice"
"Županijski fond za izgradnju"
"Tuzla".

Pored pečata iz prethodnog stavka Fond ima za posebne potrebe pečat istog oblika i sadržaja promjera 30 mm.

XI.

Nadzor nad radom Fonda vrši Vlada.

XII.

Fond podnosi izvješće o svom radu Vladi svakih 6 mjeseci.

XIII.

Fond prestaje s radom kada prestane svrha njegovog osnutka, u čemu odlučuje Vlada.

XIV.

Ova Odluka stupa na snagu danom donošenja i bit će objavljena u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA
VLADA

Broj: 02/1-414-4/98
Tuzla, 7. 5. 1998. godine

Predsjednik Vlade

Hazim Vikalo, v.r.

714

Na osnovu člana 6. i 25. stav 2. Zakona o Vladi Tuzlansko-podrinjskog kantona ("Službene novine Tuzlansko-podrinjskog kantona", 2/94, 4/95. i 9/96.), Vlada Tuzlansko-podrinjskog kantona na sjednici održanoj 7. 05. 1998. godine, donosi

ODLUKU

I.

Primjena Odluke o obaveznoj ovjeri zdravstvenih legitimacija ("Službene novine Tuzlansko-podrinjskog kantona", broj: 1/98.) odlaže se do 31. 05. 1998. godine za slijedeće kategorije:

- korisnici penzija
- lica prijavljena kod Zavoda za zapošljavanje
- raseljena lica
- ratni vojni invalidi, članovi porodica šehida i porodica palih boraca
- lica koja primaju stalnu socijalnu pomoć
- lica smještena u socijalnim ustanovama
- civilne žrtve rata
- pripadnici vojske Federacije BiH
- radnici zaposleni u rudnicima uglja.

II.

Odluka stupa na snagu danom donošenja, a bit će objavljena u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
VLADA
Broj: 02/1-180-5-2/98
Tuzla, 7. 5. 1998. god.

Predsjednik Vlade
Hazim Vikalo, v.r.

714

Na temelju članka 6. i 25. stavak 2. Zakona o Vladi Tuzlansko-podrinjske županije ("Službene novine Tuzlansko-podrinjskog kantona", 2/94, 4/95. i 9/96.), Vlada Tuzlansko-podrinjske županije na sjednici održanoj 7. 05. 1998. godine, donosi

ODLUKU

I.

Primjena Odluke o obveznoj ovjeri zdravstvenih iskaznica ("Službene novine Tuzlansko-podrinjskog kantona", broj: 1/98.) odlaže se do 31. 05. 1998. godine za slijedeće kategorije:

- korisnici mirovina
- osobe prijavljene kod Zavoda za zapošljavanje
- raseljene osobe
- ratni vojni invalidi, članovi obitelji šehida i obitelji palih branitelja
- osobe koje primaju stalnu socijalnu pomoć
- osobe smještene u socijalnim ustanovama
- civilne žrtve rata
- pripadnici vojske Federacije BiH
- radnici zaposleni u rudnicima uglja.

II.

Odluka stupa na snagu danom donošenja, a bit će objavljena u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
VLADA
Broj: 02/1-180-5-2/98
Tuzla, 7. 5. 1998. god.

Predsjednik Vlade
Hazim Vikalo, v.r.

715

Na osnovu člana 6. tačka g. Zakona o Vladi Tuzlansko-podrinjskog kantona ("Službene novine Tuzlansko-podrinjskog kantona", broj: 2/94, 4/95. i 9/96.) Vlada Kantona, na sjednici održanoj dana 26. 03. 1998. godine, donosi

RJEŠENJE

o imenovanju upravnog odbora

I.

Imenuje se Upravni odbor D.D. "Tuzlaprevoz" Tuzla u slijedećem sastavu:

1. Hasanović Džemal, dipl. ecc. - predsjednik
2. Mr. Divković Ivo, dipl. ing. el. - član
3. Jahić Rizah, ing. saobr. - član
4. Hadžiefendić Ahmed, dipl. ecc. - član
5. Islamović Mirsad - član

II.

Ovo rješenje objaviti u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
VLADA
Broj: 02/1-111-253/98
Tuzla, 4. 05. 1998. godine

Predsjednik Vlade
Hazim Vikalo, v.r.

715

Na temelju članka 6. točka g. Zakona o Vladi Tuzlansko-podrinjske županije ("Službene novine Tuzlansko-podrinjskog kantona", broj: 2/94, 4/95. i 9/96.) Vlada Županije, na sjednici održanoj dana 26. 03. 1998. godine, donosi

RJEŠENJE

o imenovanju upravnog odbora

I.

Imenuje se Upravni odbor D.D. "Tuzlaprevoz" Tuzla u slijedećem sastavu:

1. Hasanović Džemal, dipl. ecc. - predsjednik
2. Mr. Divković Ivo, dipl. ing. el. - član
3. Jahić Rizah, ing. saobr. - član
4. Hadžiefendić Ahmed, dipl. ecc. - član
5. Islamović Mirsad - član

II.

Ovo rješenje objaviti u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA
VLADA
Broj: 02/1-111-253/98
Tuzla, 4. 05. 1998. godine

Predsjednik Vlade
Hazim Vikalo, v.r.

716

Na osnovu člana 6. tačka g. Zakona o Vladi Tuzlansko-podrinjskog kantona ("Službene novine Tuzlansko-podrinjskog kantona", broj: 2/94, 4/95. i 9/96.) Vlada Kantona, na sjednici održanoj 7. 05. 1998. godine, donosi

RJEŠENJE

o davanju saglasnosti na imenovanje direktora

I.

Daje se saglasnost na imenovanje Stjepana Vilišića, dipl. ing. za direktora D.D. "Prerada i promet mlijeka" Tuzla.

II.

Ovo rješenje objaviti u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
VLADA

Broj: 02/1-111-317/98
Tuzla, 7. 05. 1998. godine

Predsjednik Vlade

Hazim Vikalo, v.r.

716

Na temelju članka 6. točka g. Zakona o Vladi Tuzlansko-podrinjske županije ("Službene novine Tuzlansko-podrinjskog kantona", broj: 2/94, 4/95. i 9/96.) Vlada Županije, na sjednici održanoj 7. 05. 1998. godine, donosi

RJEŠENJE

o davanju suglasnosti na imenovanje direktora

I.

Daje se suglasnost na imenovanje Stjepana Vilušića, dipl. ing. za direktora D.D. "Prerada i promet mlijeka" Tuzla.

II.

Ovo rješenje objaviti u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA
VLADA

Broj: 02/1-111-317/98
Tuzla, 7. 05. 1998. godine

Predsjednik Vlade

Hazim Vikalo, v.r.

717

Na osnovu člana 6. i 25. stav 3. Zakona o Vladi Tuzlansko-podrinjskog kantona ("Službene novine Tuzlansko-podrinjskog kantona", broj: 2/94, 4/95. i 9/96.) Vlada Kantona, na sjednici održanoj 7. 05. 1998. godine, donosi

RJEŠENJE

I.

Avdić Fahrudin mr. tehničkih nauka, imenuje se za VD direktora JP "Pirroliza" Tuzla.

II.

Ovo rješenje objaviti u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
VLADA

Broj: 02/1-111-315/98
Tuzla, 7. 05. 1998. godine

Predsjednik Vlade

Hazim Vikalo, v.r.

717

Na temelju članka 6. i 25. stavak 3. Zakona o Vladi Tuzlansko-podrinjske županije ("Službene novine Tuzlansko-podrinjskog kantona", broj: 2/94, 4/95. i 9/96.) Vlada Županije, na sjednici održanoj 7. 05. 1998. godine, donosi

RJEŠENJE

I.

Avdić Fahrudin mr. tehničkih nauka, imenuje se za VD direktora JP "Pirroliza" Tuzla.

II.

Ovo rješenje objaviti u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA
VLADA

Broj: 02/1-111-315/98
Tuzla, 7. 05. 1998. godine

Predsjednik Vlade

Hazim Vikalo, v.r.

718

Na osnovu člana 6. tačka g. Zakona o Vladi Tuzlansko-podrinjskog kantona ("Službene novine Tuzlansko-podrinjskog kantona", broj: 2/94, 4/95. i 9/96.) Vlada Kantona, na sjednici održanoj 7. 05. 1998. godine, donosi

RJEŠENJE

o davanju saglasnosti na imenovanje direktora

I.

Daje se saglasnost na imenovanje Ivice Kovačevića za direktora D.D. Mlin "Husinski rudar" Ljubače - Tuzla.

II.

Ovo rješenje objaviti u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
VLADA

Broj: 02/1-111-318/98
Tuzla, 7. 05. 1998. godine

Predsjednik Vlade

Hazim Vikalo, v.r.

718

Na temelju članka 6. točka g. Zakona o Vladi Tuzlansko-podrinjske županije ("Službene novine Tuzlansko-podrinjskog kantona", broj: 2/94, 4/95. i 9/96.) Vlada Županije, na sjednici održanoj 7. 05. 1998. godine, donosi

RJEŠENJE

o davanju suglasnosti na imenovanje direktora

I.

Daje se suglasnost na imenovanje Ivice Kovačevića za direktora D.D. Mlin "Husinski rudar" Ljubače - Tuzla.

II.

Ovo rješenje objaviti u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA
VLADA
Broj: 02/1-111-318/98
Tuzla, 7. 05. 1998. godine

Predsjednik Vlade
Hazim Vikaló, v.r.

Član 6.

Naknada troškova rada članovima Komisije u postupku izdavanja saglasnosti, odnosno rješenja za obavljanje djelatnosti rezanja drveta isplaćuje se iz troškovnika uplaćenih sredstava.

Član 7.

Naknadu za rad Komisije pilana uplaćuje prije otpočinjanja rada Komisije, što dokazuje petim primjerkom.
U slučaju hitnosti postupka, koju zahtijeva podnosilac zahtjeva, uplaćuje se dvostruki iznos troškova.

Član 8.

Podnosilac zahtjeva će plaćanje troškova rada Komisije izvršiti uplatom iznosa na žiro-račun Ministarstva poljoprivrede, šumarstva i vodoprivrede koji se vodi kod Zavoda za platni promet Tuzla.

Član 9.

Ovaj Pravilnik stupa na snagu danom davanja saglasnosti Vlade Tuzlansko-podrinjskog kantona i objavljuje se u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Ministarstvo poljoprivrede,
šumarstva i vodoprivrede
Broj: 04/1-021-352/98
Tuzla, 26. 3. 1998. g.

Ministar

Idriz Vrtagić, dipl. ing., v.r.

719

Na osnovu člana 20. Zakona o upravi u Federaciji Bosne i Hercegovine ("Službene novine Federacije BiH" broj: 28/97.), te člana 8. Zakona o ministarstvima i drugim organima uprave Tuzlansko-podrinjskog kantona ("Službene novine TPK" broj: 3/94 i 7/97), a u vezi sa članom 3 stav 1. Zakona o uvjetima i načinu obavljanja djelatnosti rezanja drveta ("Službene novine Federacije BiH" broj: 27/97.), ministar poljoprivrede, šumarstva i vodoprivrede u Vladi Tuzlansko-podrinjskog kantona, uz saglasnost Vlade Kantona, donosi

PRAVILNIK

O načinu formiranja Komisije za vršenje neposrednog uvida u tehničko-tehnološku dokumentaciju i izvedene radove na objektima iz djelatnosti rezanja drveta, te načinu plaćanja naknade za rad članovima Komisije u postupku izdavanja saglasnosti za obavljanje djelatnosti rezanja drveta

Član 1.

Ovim Pravilnikom utvrđuje se način formiranja Komisije za utvrđivanje podudarnosti tehničko-tehnološke dokumentacije sa izvedenim radovima na objektima iz djelatnosti rezanja drveta, (u daljem tekstu: Komisija), te vrsta i način plaćanja novčane naknade za rad Komisije u postupku izdavanja saglasnosti za obavljanje djelatnosti rezanja drveta, odnosno u postupku izdavanja rješenja za rad novoizgrađenim pilanama.

Član 2.

Komisiju iz prethodnog člana čine predsjednik i 2 - 4 člana, zavisno od složenosti objekta.

Članovi Komisije moraju imati stručne kvalifikacije najmanje VII. stepena.

Najmanje jedan član Komisije mora imati stručnu spremu i praksu koja je određena za lica koja mogu raditi tehničku dokumentaciju za građevinu u koju su smještene mašine i oprema za obavljanje djelatnosti drveta.

Član 3.

Komisiju imenuje ministar poljoprivrede, šumarstva i vodoprivrede u Vladi Tuzlansko-podrinjskog kantona.

Član 4.

Novčana naknada, u skladu sa ovim pravilnikom, obuhvata troškove rada Komisije, koji se naplaćuju od pilana po čijem zahtjevu se angažuje Komisija.

Član 5.

Visinu novčane naknade utvrđuje ministar na osnovu troškovnika kojeg sačinjava predsjednik Komisije za svaki konkretan slučaj, uzimajući u obzir kapacitet objekta iz djelatnosti rezanja drveta, uloženi rad Komisije i značaj objekta.

Troškovnik iz prethodnog stava je sastavni dio zapisnika o radu Komisije.

719

Na temelju članka 20. Zakona o upravi u Federaciji Bosne i Hercegovine ("Službene novine Federacije BiH" broj: 28/97.), te članka 8. Zakona o ministarstvima i drugim organima uprave Tuzlansko-podrinjske županije ("Službene novine TPK" broj: 3/94 i 7/97), a u svezi s člankom 3. stavak 1. Zakona o uvjetima i načinu obavljanja djelatnosti rezanja drveta ("Službene novine Federacije BiH" broj: 27/97.), ministar poljoprivrede, šumarstva i vodoprivrede u Vladi Tuzlansko-podrinjske županije, uz suglasnost Vlade Županije, donosi

PRAVILNIK

O načinu formiranja Komisije za obnašanje neposrednog uvida u tehničko-tehnološku dokumentaciju i izvedene radove na objektima iz djelatnosti rezanja drveta, te načinu plaćanja naknade za rad članovima Komisije u postupku izdavanja suglasnosti za obavljanje djelatnosti rezanja drveta

Članak 1.

Ovim Pravilnikom utvrđuje se način formiranja Komisije za utvrđivanje podudarnosti tehničko-tehnološke dokumentacije s izvedenim radovima na objektima iz djelatnosti rezanja drveta, (u daljem tekstu: Komisija), te vrsta i način plaćanja novčane naknade za rad Komisije u postupku izdavanja suglasnosti za obavljanje djelatnosti rezanja drveta, odnosno u postupku izdavanja rješenja za rad novoizgrađenim pilanama.

Članak 2.

Komisiju iz prethodnog članka čine predsjednik i 2 - 4 člana, zavisno od složenosti objekta.

Članovi Komisije moraju imati stručne kvalifikacije najmanje VII. stupnja.

Najmanje jedan član Komisije mora imati stručnu spremu i praksu koja je određena za osobe koje mogu raditi tehničku dokumentaciju za građevinu u koju su smještene mašine i oprema za obavljanje djelatnosti drveta.

Članak 3.

Komisiju imenuje ministar poljoprivrede, šumarstva i vodoprivrede u Vladi Tuzlansko-podrinjske županije.

Članak 4.

Novčana naknada, sukladno ovom pravilniku, obuhvata troškove rada Komisije, koji se naplaćuju od pilana po čijem zahtjevu se angažira Komisija.

Članak 5.

Visinu novčane naknade utvrđuje ministar na temelju troškovnika kojeg sačinjava predsjednik Komisije za svaki konkretan slučaj, uzimajući u obzir kapacitet objekta iz djelatnosti rezanja drveta, uloženi rad Komisije i značaj objekta.

Troškovnik iz prethodnog stavka je sastavni dio zapisnika o radu Komisije.

Članak 6.

Naknada troškova rada članovima Komisije u postupku izdavanja suglasnosti, odnosno rješenja za obavljanje djelatnosti rezanja drveta isplaćuje se iz troškovnika uplaćenih sredstava.

Članak 7.

Naknadu za rad Komisije pilana uplaćuje prije otpočinjanja rada Komisije, što dokazuje petim primjerkom.

U slučaju hitnosti postupka, koju zahtijeva podnositelj zahtjeva, uplaćuje se dvostruki iznos troškova.

Članak 8.

Podnositelj zahtjeva će plaćanje troškova rada Komisije izvršiti uplatom iznosa na žiroračun Ministarstva poljoprivrede, šumarstva i vodoprivrede koji se vodi kod Zavoda za platni promet Tuzla.

Članak 9.

Ovaj Pravilnik stupa na snagu danom davanja suglasnosti Vlade Tuzlansko-podrinjske županije i objavljuje se u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA
Ministarstvo poljoprivrede,
šumarstvo i vodoprivrede
Broj: 04/1-021-352/98
Tuzla, 26. 3. 1998. g.

Ministar

Idriz Vrtađić, dipl. ing., v.r.

**"Službene novine Tuzlansko-podrinjskog kantona",
broj: 5/98 od 6. juna/lipnja 1998. godine**

SADRŽAJ

SKUPŠTINA KANTONA

709. Zakon o Kantonalnim porezima	209
709. Zakon o Županijskim porezima	221
710. Zakon o prestanku primjene Zakona o preuzimanju Zakona o napuštenim stanovima u Tuzlansko-podrinjskom kantonu	233
710. Zakon o prestanku primjene Zakona o preuzimanju Zakona o napuštenim stanovima u Tuzlansko-podrinjskoj županiji	233
711. Zakon o izmjenama i dopunama Zakona o srednjoj školi (bosanski jezik)	233
711. Zakon o izmjenama i dopunama Zakona o srednjoj školi (hrvatski jezik)	234
712. Odluka o prestanku primjene Odluke Skupštine Tuzlansko-podrinjskog kantona od 8. 7. 1996. godine	234
712. Odluka o prestanku primjene Odluke Sabora Tuzlansko-podrinjske županije od 8. 7. 1996. godine	234

VLADA KANTONA

713. Odluka o osnivanju Kantonalnog fonda za izgradnju	234
713. Odluka o osnivanju Županijskog fonda za izgradnju	235
714. Odluka o primjeni Odluke o obaveznoj ovjeri zdravstvenih legitimacija	236
714. Odluka o primjeni Odluke o obaveznoj ovjeri zdravstvenih iskaznica	237
715. Rješenje o imenovanju Upravnog odbora D.D. "Tuzla prevoz" Tuzla (bosanski jezik)	237

715. Rješenje o imenovanju Upravnog odbora D.D. "Tuzla prevoz" Tuzla (hrvatski jezik)	237
716. Rješenje o davanju saglasnosti na imenovanje direktora D.D. "Prerada i promet mlijeka" Tuzla	237
716. Rješenje o davanju suglasnosti na imenovanje direktora D.D. "Prerada i promet mlijeka" Tuzla	238
717. Rješenje o imenovanju direktora J.P. "Piraliza" Tuzla (bosanski jezik)	238
717. Rješenje o imenovanju direktora J.P. "Piraliza" Tuzla (hrvatski jezik)	238
718. Rješenje o davanju saglasnosti na imenovanje direktora D.D. Mlin "Husinski rudar" Ljubače-Tuzla	238
718. Rješenje o davanju suglasnosti na imenovanje direktora D.D. Mlin "Husinski rudar" Ljubače-Tuzla	238

**MINISTARSTVO POLJOPRIVREDE, ŠUMARSTVA
I VODOPRIVREDE**

719. Pravilnik o načinu formiranja Komisije za vršenje neposrednog uvida u tehničko-tehnološku dokumentaciju i izvedene radove na objektima iz djelatnosti rezanja drveta, te načinu plaćanja naknade za rad članovima Komisije u postupku izdavanja suglasnosti za obavljanje djelatnosti rezanja drveta	239
719. Pravilnik o načinu formiranja Komisije za obnašanje neposredno uvida u tehničko-tehnološku dokumentaciju i izvedene radove na objektima iz djelatnosti rezanja drveta, te načinu plaćanja naknade za rad članovima Komisije u postupku izdavanja suglasnosti za obavljanje djelatnosti rezanja drveta	239